

REFERAT Kommunalbestyrelsi d. 10-04-2018

Mødedato Tirsdag d. 10. april 2018 kl. 19:30

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Ilisimatitsissutit.....	8
Kommunip CV-nik paasissutissaasivianut innersuusseqataanissamut kaammattuut.....	9
Ukiumut atuarfiusumut 2016/2017-imut pitsaassutsimut nalunaarusiaq.....	12
Kommunimut pilersaarummut tapiliussiaq, 2B2-4 Qeqertat 2020, Nuuk, Nuussuup illoqarfiup ilaa p	15
Kommunimut pilersaarummut tapiliussatut siunnersuut, 1A20-1, Qatanngutigiiinguit pingasut, Nu	21
Aalajangiiffissat.....	25
Sanaartugassatut qinnuteqaat, ”Qatanngutigiiinguit Pingasut”, Svend Jungep Aqqutaa - Nuuk.....	26
Paamiuni quersuit B-31 aamma B-60 – iluarsartuunnerisa allanngortiternerisalu kingorna ingerlatsi	30
Kommuneqarfik Sermersuumi Angalanissamut Aningaasaateqarfiup malittarisassaanik allannguine	35
Sumiiffinnik Aqquserngillu Taaguutaannik Siunnersuisoqatigiit.....	38
2019-imut missingersuusiornissamut maleruagassat.....	42
Kommuneqarfik Sermersuumi Isumaginnittoqarfik aqqutigalugu inissamik innersuussisarneq pillug	46
Inunnik Isumaginninnermik Siunnersuisoqatigiit pilersinneqarnissaannut siunnersuut.....	50
Tuttunik umimmannillu nuutsitsinissamut siunnersuut.....	53
Tasiilami internetsikkut attaveqaatit pitsanngortinneqartinnissaanut siunnersuut.....	57
Sermiligaap malinnut illersuusiorfigineqarnissaanut siunnersuut.....	60
Taasariaqartut allat.....	63
Suliat matoqqasut.....	64
Lukket.....	65
Lukket.....	66
Imaqarniliap akuerineqarnera.....	67

Punkt 0: Saqqaa

Ilaasortat
<p>Asii Chemnitz Narup (IA)</p> <p>Malene Lynge (IA)</p> <p>Charlotte Ludvigsen (IA)</p> <p>Uju Petersen (IA)</p> <p>Harald Bianco (IA)</p> <p>Inge Olsvig-Brandt (IA)</p> <p>Rasmine Geisler (IA)</p> <p>Knud Mathiassen (IA)</p> <p>Henrik Rachlev (IA)</p> <p>Nivi Olsen (D)</p> <p>Randi Vestergaard Evaldsen (D)</p> <p>Justus Hansen (D)</p> <p>Mala Høy Kúko (S)</p> <p>Peter Davidsen (S)</p> <p>Thiiooq Knudsen (S)</p> <p>Ane Egede Mathæussen (S)</p> <p>Jens Kristian Berthelsen (S)</p> <p>Rolf Pike (S)</p> <p>Laura Táunajik (S)</p>

Beslutning

Ilaasinnaanatik nalunaartut:

Laura Táunâjik (S). Taartissatut aggersarneqarpoq Lund Kuko (S)

Oqarasuaatikkut ataatsimeeqataasut:

Randi Evaldsen (D),

Nivi Olsen (D),

Justus Hansen (D),

Lund Kuko (S)

Punkt 1: Oqaluuserisassat akuerineqarnerat

Beslutning

06C tunuartinneqarpoq.

Oqaluuserisassat allannguutaalu akuerineqarput.

Punkt 2: Nalunaarutit

<p>2A. Borgmesterimit nalunaarutit</p> <p>2B. Ataatsimiititanit ataavartunit nalunaarutit</p>

Beslutning

2A. Borgmesterip nalunaarutai

- Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoq Hans Enoksen borgmesterilu Asii C. Narup ulluni 5. aamma 6. marsi 2018 inuussutissarsiorneq suliffeqarnerlu pillugit isumasioqatigiissitsinissaagaluat silap ajornera pissutigalugu timmisartuussisoqarsinnaanngimmat taamaatiinnarneqarpoq (kinguartippoq). Tasiilami Kommunalbestyrelsimut ilaasortat isumasioqatigiissitsinissamut aggersarneqarnikut ilagigaluarpaat. Aattaat Inatsiartunut qinersisoqareerpat aalajangerneqarsinnaassaaq, qaqugu una isumasioqatigiinnissaq ingerlanneqassanersoq.

- Paamiuni utoqqaat illuata nutaap nappaanersiorinissaanut atatillugu borgmesteri Isumaginninnermut Suliffeqarnermullu Ataatsimiititami Siulittaasorlu februaarip 21-22-anilu Paamiuniissapput. Borgmesteri Paamiuniinnermini ilaatigut neqitersuisarfik alakkartissavaa, Paamiunilu Aalisartut Piniartullu Peqatigiiffiat (PAPP) ataatsimeeqatigissallugu aamma "Utoqqaat Peqatigiit" ataatsimeeqatigissavai.

- Ulloq februaarip 23-ani borgmesterip Kommunaldirektørillu UNICEF'ip allattaanera aamma UNICEF'imi suliaasanut aqutsisoq ataatsimeeqatigaat. Ataatsimiinnermi Kommuneqarfik Sermersuumut UNICEF'ip pilersaarutaa ilisimatitsissutigineqarpoq UNICEF'imi illoqarfiit suliniutinut aningaasanik katersiffiusut, meeqqallu pisinnaatitaaffiinik ukkatarinniffiusut pillugit. Gentofte tassaavoq 2018-imi UNICEF'ip illoqarfia, taakkualu illoqarfittut ikinngutigisaminnut Tasiilamut aningaasanik katersuinuarlutik aallarteerput. Aningaasat 2019-imi atorneqassapput – aningaasat Nakuusa aqutigalugu ingerlateqqinneqassapput. Piviusunnagortinneqarnissaanut sulineq aallartinneqareerpoq aammalu Kommuneqarfik Sermersooq ataavartumik ilisimatinneqartassaaq sulinermilu peqataatinneqarluni.

- Ulloq februaarip 28-ani borgmesterip Islandandip Nunani Avannarlerni suleqatigiinnissamut Ministeria Sigurður Ingi Jóhannsson ullup' qeqqasioqatigiitigalugu ataatsimeeqatigaa, taassuma aamma Kommunit akisussaaffigai. Ministeri Nunat Avannarliit 2018-imi isumasioqatigiinnerinut atatillugu Nuummiiippoq, taanna Peqqissutsimut Nunanullu avannarlernut suleqatigiinneq pillugu Naalakkersuisumit aqqissuunneqarpoq, Namminiilivinnissaq, Nunanut Allanut Nunalerinermullu Naalakkersuisoqarfik suleqatigalugu.

- Ulloq marsip aappaat borgmesterip Kommuninut, Nunaqarfinnut, Isorliunerusunut, Attaveqaateqarnermut Ineqarnermullu Naalakkersuisoq, Erik Jensen, ataatsimeeqatigaa.

- Nunaqarfinni Aqutsisut 2018-imi isumasioqatigiinnissaat ullulernerqarpoq sumiiffissarsineqarlunilu - tamanna Nuummi ulluni 13.-15. maaji ingerlanneqassaaq. Gruppeni siulittaasut ataatsimiigiaqquneqarput.

- Tromsø Kommune borgmesterip saaffiginnissuteqarnerata kingunerisaanik maanna nalunaaruteqarpoq, Kommuneqarfik Sermersuumik suleqatiginnikkusulluni. Kommunit marluusut sunik suleqatigiissuteqassanersut pillugit sulineq maannakkut ingerlavoq.

- Marsip qulingiluaani borgmesterip kommunaldirektørillu Nord-Norges Europakontor (NNEU) ataatsimeeqatigaat. Nord-Norges Europakontor Brusselsimi inissisimaffeqarpoq EU-milu politikkimut tunnganerusunik suliaqartuulluni.

- Ulloq marsip 12-iani borgmesterip kommunaldirektørillu SIKUKI Nuuk Harbour A/S-imi siulersuisunut siulittaasoq, Lars Karlsson aamma ingerlatseqatigiiffiup pisortaa, John Ramussen ataatsimeeqagaat.

- Marsip 12-iani borgmesterip kommunaldirektørillu Kalaallit Airport A/S-imi siulersuisunut siulittaasoq, Johannes Hansen ingerlatseqatigiiffiullu pisortaanera, Steffen Ulrich-Lyngé ilisimatitsinertalimmik ataatsimeeqatigaat.

- Marsip 13-iani borgmesterip qaammatit pingasukkaartumik Kommuneqarfik Sermersuumi nunaqarfinni aqutsisut siulittaasui ataatsimeeqatigai. Nunaqarfinni Aqutsisut isumasioqatigiissinneqarnissaannut ulluliisoqarpoq. (Tamanna pillugu erseqqinnerusumik imm. 6 takujuk).

- Marsip 14-iani Nuuk Imeq A/S ataatsimeersuarpoq.

- Marsip 16-iani borgmesterip Kommuneqarfik Sermersuumi Najukkani Ataatsimiititaliat tamaasa videokonference aqutigalugu ataatsimeeqatigai. Ataatsimiinnermi ilaatigut borgmesterip ilisimatitsissutigaa kommunit aqunneqarnerat

pillugu inatsimmi nutaami aamma Nuummi Najukkami Ataatsimiititaliamik pilersitsisoqassasoq, taamaattumillu suliaq tamanna aallartinneqarsimasoq.

- Ulloq 23. marsi Sermersuup Inuussutissarsiornermut Siunnersuisoqatigiinni siulersuisut ataatsimiipput.

- Ulloq apriliip 12-iani Kommuneqarfik Sermersuumi 2018-imi Kulturikkut nittarsaassisoq toqqarneqassaaq, tamannalu Tasiilami aaqqissuussinikkut ingerlanneqassaaq.

- Aningaasaqarnermut Inuussutissarsiornermullu Ataatsimiititaq ulluni 23. - 26. maaji Tasiilaliassaaq.

- Ulloq marsip ulluisa 27-anni kulturi pillugu siunnersuisoqatigiit Aningaasaateqarfik Sermermut qinnuteqaatit oqaluuseraat. Aningaasaateqarfik Sermermut ukioq manna qinnuteqarsinnaanermi siullermi qinnuteqaatit angisuut mikinerillu 33-t tiguneqarput. Aningaasat kr. 1.297.300 agguaanneqarput. Qinnuteqartut 33-t akornanni 18-it qinnuteqaataat akuersissutigineqarput.

o Qinnuteqartut akissutissaat suliarineqaleruttorput oktobarillu qaammataani qinnuteqarnissaq periarfissaqqilissaaq.

- Ulloq apriliip ulluisa sisamaanni borgmesterip Aasi Chemnitz Narupip kommunitut ikinngutigisami Gentoft Kommuneani borgmesteri aamma borgmesterip tullia ataatsimeeqatigai. Suliassaqarfinni assigiinngitsuni Tasiilami ineriartornerup killiffia pillugu borgmesterip Aasi Chemnitz Narupip ilisimatitsissutigaa. Tasiilami pissutsit illoqarfittut ikinngutigisami borgmesterimit borgmesterillu tullersortaanit annertuumik soqutigineqarput Tasiilamullu tikeraarnissaminut qilanaarlutik.

- Ulloq apriliip tallimaanni borgmesterip Kraemers kalaallit aningaasaateqarfiani siulersuisut ataatsimeeqatigai. Aningaasaateqarfik Tunumi pisunut suliniutinullu tapiissuteqartarpoq.

2B. Ataatsimiititanit ataavartunit naluaarutit

Malene Lyng, Sanarfinermut Avatangiisinullu Ataatsimiititami siulittaasoq.

- Kommunip illuutaanik aserfallatsaaliinermut suliaqarneq Iserit-imit ingerlanneqarnikuusoq maanna politikikkut aalajangiiffigineqareernerup kingorna apriliip aallaqqaataaniit Sanarfinermut Avatangiisinullu Ingerlatsivimmuut urtherqinneqarpoq.

Uju Petersen, Meeqqanut Ilaqutariinnullu Ataatsimiititami siulittaasoq

- Ippassaq 9. april 2018 Meeqqanut Ilaqutariinnullu immikkoortortaqarfik suleriaaseq nutaaq aallartillugu sulilerput.

- Sulisut ulapinnikooqaat pikkorissarlutik suleriaatsimut nutaamut saniatigullu suliatik suliaralugit – sulisulli suliassatik qiimallutik qilanaarlutik tiguaat, taamaalilluni sulisutigut neriuunarluni.

- Kommuneqarfitsinni Meeqqanut Ilaqutariinnullu immikkoortortaqarfimmi sulisut tamakkerlutik 3. aamma 4. maj – Isumaginninnermut Aqutsisoqarfik suleqatigalugu naapitinneqassapput, suleriaaseq nutaaq aammalu siunissami periuusissat qanoq issinnaanerinik isumasioqatigiinnittalimmik ataatsimiissallutik.

- Sulisutigut suli Tasiilaq unammillernartumik inissisimavoq, maannakkullu avataaninganniik vikarilerlugu sulisulersorneqarallarpoq. Kiisalu Familiecenteri psykoterapeutimik sulisoqalernissaa aaqqinniarnearluni

- 9. maj ataatsimiititap naapinnissanut MIO ataatsimeeqatiserineqarpoq.

Charlotte Ludvigsen, Isumaginninnermut Suliffeqarnermullu Ataatsimiititami siulittaasoq

- Royal Greenland-ip Tasiilami illoqarfinnut kitaaniittunut sulisussarsiornera iluatsilluarpoq. 16. Marts Tasiilap eqqaani nunaqarfinneersut 13-it INULI-mit pikkorissartinneqarput sulilernissaminnullu piareerlutik. Tasiilameersut 14-it pikkorissartinneqarnerat 19. Marts aallartippoq. Royal Greenland nalunaarnikuuvoq inuit suliarortitassat siulliit Sisimiunut, Maniitsumut Innaarsunnullu, piareersimatinneqassasut.

- Piffissami matumani aggersumilu Nuummi, Paamiuni Tasiilamilu utoqqaat illuini paaqutarinnittut sulisorisagut inuk qitiutillugu paaqutarinninnermik suliaqarnermut ilitserorneqassapput. Niviarsiaq ineriartortitsinermut sulisorisagut Paamiunut Tasiilamullu angalassaaq taamatut pikkorissaajartorluni.

- Pikkorissaanikkut sulisorisat sakkussanik tuniorarneqassapput innuttaasunik amerliartortunik puigortunngortunik, sullissinissamat. Pitsaaqutaa aamma tassaavoq, taamatut sullissinermut ilinniartinneqarneq aamma innuttaasunik nappaateqarsorisunik sullissinissamat naleqqummat. Sullisseriaaseq tamanna utoqqarnik sullissinitsinni politikikkut pingaartitarisanut, tassalu inuup naleqarnera ataqqineqarnissaalu pingaartillugit, naleqqupput.

- Piffissami sivitsulersumi Paamiuni suliffissaaleqisut matchgruppe 1-miittut – sulileriaannat ikittuinnaat pigineqarput.

Tamatumunnga patsisaaq sulisut sullissilluarnerannik, aammali inuussutissariorerup ingerlalluarnera inuussutullu ilinnialertartut patsisaaqataapput. Assasortut inissianik isaterinernik suliaqarnikuupput, utoqqaat angerlarsimaffissaat nutaaq sananeqarpoq, kiassarnermut imermullu aqquersuinerit najugaqarfimmi killermi allangortiterneqarput, aammalu INI Iserillu annertuumik inissianik aserfallatsaaliinermik ingerlataqarput.

- Ingerlalluartut tamakku qaavisigut Paamiunit ilisimatitsissutigineqarpoq suliniut ”Nordhavns projektet” oktober 2018 aallartissasoq, Majoriap suliniummik ingerlatsisoq februar qaammataani ataatsimeeqatigaa taannalu nalunaarpoq, nammineq sulisoreriikkat saniatigut suliffeqarfup oktoberimi sulisussat 20-t pisariaqartissagai, taakkunanga tallimat

ilinniarsimangitsut inuttassarsiuussassagut.

- 2019-mi suli sulisussat 60-it pisariaqartinneqarumaartut nalunaarutigineqarsimavoq.

- Taamaattumik 2019 aallartinnerani Paamiuni sulileriaannarnik amigaateqartoqalissaaq, soorunami Majoriamit suliniarfigineqartariaqartumik.

Nivi Olsen, Meeqqanut Atuarfeqarnermullu Ataatsimiititami siulittaasoq

- Meeqerivimmi sulisut ilinniarsimangitsut pikkorissarneqarput, tamanna politikikkut suliniutigineqartunut naapertuuppoq.

- Nuummiimmikkoortortaqqarfik MISI "Vestre Fængsel"-imut nuuppoq.

Punkt 3: Ilisimatitsissutit

Punkt 03A: Kommunip CV-nik paasissutissaasivianut innersuusseqataanissamut kaammattuut

Beslutning

Ilisimatitsissut tusaatissatut tiguneqarpoq.

Bilag

Oplysninger-Skabelon1_20581_KAL.docx

Kommunip CV-nik paasissutissaasivianut innersuusseqataanissamut kaammattuut

Ilisimatitsissut

J nr: 03.26.01-A00-825-18

Suliffeqarfimmi Kiffartuussineq - kommunaldirektøri Lars Møller-Sørensen / LMS

Suliassamik eqikkaaneq

Kommuneqarfik Sermersuup piginnittuunermut periaasissaata atuutilersinneqarneranut aamma suliffeqarfinnut imminnut pigisunut aamma aningaasaateqarfinni siulersuisunut ineriartortitsinissamik suliamut ingerlasumut atatillugu siulersuisut katitigaanerannut sammineq annertuseriarpoq. Kommunip aktieselskabiutaani siulersuisussarsiornermi CV-nik paasissutissaasivimmiit piukkunnartunik toqqaasarneq manna tikillugu periarfissaasarpog. Pisortaqtigiit Allatseqarfiata tamanna annertunerulersikkusuppaa, tassa aamma suliffeqarfinnut imminnut pigisunut aningaasaateqarfinnilu siulersuisunut attuumassuteqartunut aamma tamanna atuutilersikkusukkamiuk.

Pisortaqtigiit Allatseqarfiata aviisit toqqakkat aqputigalugit kikkunnut tamanut saqqummiunniarpaa, taamaalilluni innuttaasut soqutiginnittut kikkulluunniit CV-nik paasissutissaasivimmut nassiussisinnaanngorlugit.

Aningaasaqarnermut Inuussutissarsiornermullu Ataatsimiititap 22. Marts 2018 ataatsimiinnerminni suliaq tusaatissatut tiguaa Kommunalbestyrelsimi saqqummiunerani aalajangersimasumik immersuiffissamik piareersisoqassasoq kissaatigalugu oqaasertalerlugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Immersuiffissaq aalajangersimasooq tusaatissatut tiguneqassasoq, aammalu
- Ilisimatitsissut tusaatissatut tiguneqassasoq.

Suliassamik saqqummiussineq

Kommuneqarfik Sermersuup selskabinut piginnittuunermut periaasissaata atuutilersinneqarneranut aamma suliffeqarfinnut imminnut pigisunut aamma aningaasaateqarfinni siulersuisunut ineriartortitsinissamik suliamut ingerlasumut atatillugu siulersuisut katitigaanerannut sammineq annertuseriarpoq. Kommunip aktieselskabiutaani siulersuisussarsiornermi CV-nik paasissutissaasivimmiit piukkunnartunik toqqaasarneq manna tikillugu periarfissaasarpog. Pisortaqtigiit Allatseqarfiata tamanna annertunerulersikkusuppaa, tassa aamma suliffeqarfinnut imminnut pigisunut aningaasaateqarfinnilu siulersuisunut attuumassuteqartunut aamma tamanna atuutilersikkusukkamiuk.

Pisortaqtigiit Allatseqarfiata partiit tamaasa Kommuneqarfik Sermersuumi kommunalbestyrelsimi ilaasortaataqartut kommunimi CV-nik paasissutissaasivimmut ilanngussassanik innersuusioqqullugit kaammattorpai. Siunnersuutit e-mailimut uunga nassiunneqassapput: riro@sermersooq.gl.

Pisortaqtigiit Allatseqarfiata aamma aviisit toqqakkat aggutigalugit kikkunnut tamanut saqqummiunniarpaa, taamaalilluni innuttaasut soqutiginnittut kikkulluunniit CV-nik paasissutissaasivimmut nassiussisinnaanngorlugit.

Pisortaqatigiit Allatseqarfiata selskabit aningaasaateqarfiillu suleqatigalugit siulersuisuni piginnaasatigut pisariaqartinneqartut eqqarsaatigalugit paasiniarniarpa. Piginnaasatigut pisariaqartitsineq aamma CV-nik paasissutissaasivik tunngavigalugit siulersuisuni ilaasortatut piukkunnarnerpaanik toqqaasoqarsinnaangussaaq. Neqeroorut siulersuisunut Kommunalbestyrelsip sinniisussamittut toqqaaffigisinnaasaannut atuuppoq, toqqarneqartoq Kommunalbestyrelsimi ilaasortaajutigissanngilaq. Neqeroorummi pineqanngillat Kommunalbestyrelsimi ilaasortaasut toqqarneqarlutik siulersuisuni ilaasortaatinneqartartut. Uani qulakkeerniarneqartoq tassaavoq siulersuisuni ilaasortatut piukkussinermi piginnaasat pisariaqartinneqartut assigiinngitsut matussuserneqartarnissaat. Kommuneqarfik Sermersooq taamaalilluni aamma selskabit kommunimilu innuttaasut iluaqutigisinnaasaannik naleqquttumik oqimaatigiissumillu ineriartortitsinermi qulakkeerinneqataasinnaavoq.

Aaqqiissutissatut siunnersuut – suliatigut naliliineq
Oqaaseqaateqanngilaq.

Aningaasaqarnikkut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppersaatitallit
Soqanngilaq

Ingerlariaqqinnissaq
Pisortaqatigiit Allatseqarfiata piukkunnarnertut partiinit innersuussutigineqartut attavigissavai, tassani siunertaalluni CV-minnik nassiussinissaannik kaammattuinnissaq.

Aningaasaqarnermut Allatseqarfirmmit oqaaseqaatit

Suliffeqarfirmi Kiffartuussinerup nalilerpa, suliami matumani Aningaasaqarnermut Allatseqarfik oqaaseqartissallugu pisariaqanngitsoq.

Siornatigut aalajangerneq

Aningaasaqarnermut Inuussutissarsiornermullu Ataatsimiititap aalajangernera 22. marts 2018-meersoq:

Ilisimatitsissut tusaatissatut tiguneqarpoq aammalu Kommunalbestyrelsimut ingerlateqqinneqarluni, imannak oqaasertalerlugu:

- Kommunalbestyrelsimi saqqummiunerani aalajangersimasumik immersuiffissamik piareersisoqassasoq ataatsimiititap kissaatigaa.

Innuttaasunik peqataatitsineq/attaveqatigiinneq

Soqanngilaq

Ilanngussaq/Ilanngussat:

1. Immersuiffisaq

Punkt 03B: Ukiumut atuarfiusumut 2016/2017-imut pitsaassutsimut nalunaarusiaq

Beslutning

Ilisimatitsissut tusaatissatut tiguneqarpoq.

Bilag

Bilag 1. Fælles kvalitetsrapport 2016 2017.docx

Bilag 2. AHL Kvalitetsrapport skoleåret 16-17.docx

Bilag 3. Arsuq Kvalitetsrapport skoleåret 16-17 DA.docx

Bilag 4. ASK Kvalitetsrapport skoleåret 16-17.docx

Bilag 5. Tuiisaaq, Kvalitetsrapport skoleåret 16-17.docx

Bilag 6. Kangillinguit Kvalitetsrapport skoleåret 16-17.docx

Bilag 7. Nussuuq KVALITETSRAPPORT 2016-17.docx

Bilag 8. Kvalitetsrapport skoleåret 16-17 Tasiilami.docx

Bilag 9. USKKvalitetsrapport skoleåret 16-17 DA.docx

Bilag 10. Isertoq Kvalitetsrapport skoleåret 16-17 DA.docx

Bilag 11. Kapisillit Kvalitetsrapport skoleåret 16-17 KAL.docx

Bilag 12. Kulusuk pitsaassuseq pillugu nalunaarusiaq 2016-17 kulusuk.pdf

Bilag 13. Kuummiit Kvalitetsrapport skoleåret 16-17 KAL.docx

Bilag 15. Sermiligaaq kvalitetsrapport.pdf

Bilag 16. Tiilerilaaq Kvalitetsrapport skoleåret 16-17 DA.docx

Bilag 17 Kvalitetsrapport skoleåret 16-17 EMA.docx

Ukiumut atuarfiusumut 2016/2017-imut pitsaassutsimut nalunaarusiaq

Ilisimatitsissut

J.nr.: 51.00.21.02

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Atuarfiit pitsaassutsimut nalunaarusiaat aamma ingerlatsiviit ataatsimut pitsaassutsimut nalunaarusiaat, matumuuna Kommunalbestyrelsimut paasisutissatut saqqummiunneqarput. Atuarfiit pitsaassutsimut nalunaarusiaat, Atuarfik pillugu Inatsisartut inatsisaat nr. 15, 3. december 2012-imeersoq § 49 tunngavigalugu atuarfiit ukioq atuarfiusoq kingulleq nalunaarusiarisartagaannik imaqarput. Taassuma saniatigut ingerlatsivik ataatsimut pitsaassutsimut nalunaarusiamik suliaqarsimavoq, atuarfiit pitsaassutsimut nalunaarusiaat pingaarnersiorlugit eqikkakkamik imaqartumik.

Meeqqanut Atuarfeqarnermullu Ataatsimiititap suliaq 12. marts 2018-imi ataatsimiinnermini oqaluusera tusaatissatullu tigullugu aammalu Aningaasaqarnermut Inuusutissarsiornermullu Ataatsimiititamut ilisimatitsissutitut ingerlateqqillugu.

Aningaasaqarnermut Inuusstissarsiornermullu Ataatsimiititap ilisimatitsissut 22. marts 2018-imi ataatsimiinnermini tusaatissatut tiguaa, Kommunalbestyrelsimullu ataatsimoortumut ilisimatitsissutissanngorlugu ingerlateqqillugu.

Inassuteqaat

Aningaasaqarnermut Inuusutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatitut tiguneqassasoq

Suliassamik saqqummiussineq

Atuarfiit pitsaassutsimut nalunaarusiaat, Atuarfik pillugu Inatsisartut inatsisaat nr. 15, 3. december 2012-imeersoq § 49 tunngavigalugu ukioq atuarfiusoq qaangiuttoq kingullermi trintest, misilitsinnerit iliuusissatullu pilersaarutit allallu imarai. Taassuma saniatigut ingerlatsivik ataatsimut pitsaassutsimik nalunaarusiamik suliaqarsimavoq, atuarfiit pitsaassutsimut nalunaarusiaat pingaarnersiorlugit eqikkakkamik imaqartumik.

Pitsaassutsimik nalunaarusiat 2015/2016-imeersut ukiut siuliinit ineriartorteqqinneqarput. Ukiumi qaangiuttumi pitsaassutsimut nalunaarusiani maluginiarneqarsimavoq, atuarfinni ingerlatsiviit ilaannut nalunaarusiornermik saniatigut sammisassanik toqqartuipput, ukiumut atuarfiusussamut tulliuuttumut anguniagassatut. Ukioq manna pitsaassutsimik nalunaarusiami atuarfiit siorna anguniagassatut toqqakkatik malinnaatitsiffigisimavaat ukiullu tullianut anguniagassatik nalunaarutigalugit. Tamanna atuarfiit ataasiakkaat pitsaassutsimik nalunaarusiaanni atuarneqarsinnaavoq.

Ukioq manna aammaarluni erseqqissaatigineqarpoq, soraarummeernermi angusat trintestinilu angusat eqqarsaatigalugit fagini tamani kommune nuna tamakkerlugu agguaqatigiissillugu angusanit qaffasinnerusumiippoq.

Aaqqiissutissatut siunnersuut – suliatigut naliliineq

Aaqqiissutissanut siunnersuuteqarani suliatigullu naliliisoqarani ingerlateqqinneqarpoq.

Aningaasaqarnikkut sulisoqarnikkullu naliliinerit

-

Inatsisitigut tunngavissaq allakkallu tunngaviusumik uppersaatitalit
Atuarfik pillugu Inatsisartut inatsisaat nr. 15, 3. december 2012-imeersoq § 49

Ingerlariaqqinnissaq

-

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq

Siornatigut aalajangerneq

Meeqqanut Atuarfeqarnermullu Ataatsimiititap aalajangernera 12. marts 2018-imeersoq:
Ilisimatitsissut tusaatissatut tiguneqarpoq aammalu Aningaasaqarnermut Inuussutissarsiornermullu Ataatsimiititamut ilisimatitsissutitut ingerlateqqinneqarluni.

Aningaasaqarnermut Inuussutissarsiornermullu Ataatsimiititap aalajangernera 22. marts-imeersoq:
Ilisimatitsissut tusaatissatut tiguneqarpoq, aammalu Kommunalbestyrelsmut ilisimatitsissutitut ingerlateqqinneqarluni.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Soqanngilaq

Ilanngussaq/Ilanngussat:

1. Ataatsimut pitsaassutsimut nalunaarusiaq qall./kal.
2. Pitsaassutsimut nalunaarusiaq AHL
3. Pitsaassutsimut nalunaarusiaq Arsurk
4. Pitsaassutsimut nalunaarusiaq ASK
5. Pitsaassutsimut nalunaarusiaq Tuiisaaq
6. Pitsaassutsimut nalunaarusiaq Kang
7. Pitsaassutsimut nalunaarusiaq Nuussuup Atuarfia
8. Pitsaassutsimut nalunaarusiaq Tasiilaaq
9. Pitsaassutsimut nalunaarusiaq USK
10. Pitsaassutsimut nalunaarusiaq Isertoq
11. Pitsaassutsimut nalunaarusiaq Kapisillit
12. Pitsaassutsimut nalunaarusiaq Kulusuk
13. Pitsaassutsimut nalunaarusiaq Kummiit
14. Pitsaassutsimut nalunaarusiaq Qeqartarsuatsiaat (amigaataavoq)
15. Pitsaassutsimut nalunaarusiaq Sermiligaaq
16. Pitsaassutsimut nalunaarusiaq Tiilerilaaq
17. Pitsaassutsimut nalunaarusiaq Ejnar Mikkelsenila Aluarpia

Punkt 03C: Kommunitut pilersaarummut tapiliusseq, 2B2-4 Qeqertat 2020, Nuuk, Nuussuup illoqarfiup ilaa pillugu siunnersuut

Beslutning

Ilisimatitsissut tusaatissatut tiguneqarpoq.

Bilag

Bilag1_KAL.pdf

Kommunimut pilersaarummut tapiliusseq, 2B2-4 Qeqertat 2020, Nuuk, Nuussuup illoqarfiup ilaa pillugu siunnersuut

Qeqertani umiarsualiviup nunaminertaani sanaartugassatut qinnuteqaatit tunngavigalugit kommunimut pilersaarummut tapiliussassatut siunnersuut.

Ilisimatitsissut

J. nr.: 16.03.01.01-P16-2-18

Sanarfinermut Avatangiisinullu Ingerlatsivik - pisortaagallartoq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsiviup matumuuna Kommunimut pilersaarummut tapiliusseq 2B2-4, Qeqertat 2020, Nuuk, Nuussuup Illoqarfiata ilaa akuersissutigisassanngorlugu saqqummiuppa.

Qeqertani umiarsualiviup nunaminertaani sanaartugassatut qinnuteqaatit inaarutaasumik akuersissutigineqarnissaat tunngavigalugit kommunimut pilersaarummut tapiliussassatut siunnersuut suliarineqarpoq. Sanaartugassatut qinnuteqaatit Kommunalbestyrelsimit 21. novembari 2017-imi pilersaarusionermut inatsisip, 1. januari 2016-imiit atuuttup, allanngortinnera naapertorlugu akuersissutigineqarput. Kommunimut pilersaarummut tapiliussassatut siunnersuummi matumani nunaminertat immikkuualuttoq B-mi nassuiaatigineqarput.

Sanaartugassatut qinnuteqaatini siunertarineqartut piviusunngortinnissaannut kommunimut pilersaarummut tapiliussassatut siunnersuut naapertorlugu periarfissaalissapput. Pilersaarutissatut siunnersuutitigut aalajangersakkanik aalajangersaasoqassaaq, taakkulu naapertorlugit sanaartugassatut qinnuteqaatinut ilaasut nunaminertat pilersaarummi ataatsimoorussami aamma Kommunalbestyrelsimit kissaatigineqartut akuersissutigineqarnerisigut inerisarneqassapput. Matumani immikkoortup attaveqarnerata takuneqarsinnaasullu sanaartorneqarnera ilanngullugu. Pilersaarutaaq naapertorlugu Nuummi containereqarfiup inerisarneqarnissaanut pilersaarutaasimasup ingerlateqqinneqarnissaa qulakkeerneqassaaq, kiisalu nunaminertat kommunimit imaluunniit ineriartortitsinerimut ingerlatseqatigiiffimmit kommunip pigisaanit atorineqarsinnaallutik ilaatigut inuussutissarsiuqarnerimut atorineqarsinnaallutik.

Kommuneqarfik Sermersuup Illoqarfiit pingaarnersaat pillugu periusissiaq aamma kommunimut pilersaarut naapertorlugit Nuummi inuussutissarsiuqarfiup inerisarneqarnissaanut Kommunalbestyrelsip takorluugaanut kommunimut pilersaarummut tapiliussassatut siunnersuut naapertuuppoq.

Sanarfinermut Avatangiisinullu Ataatsimiititap suliaq 12. marts 2018-imi ataatsimiinnermini Oqaluuseraa, tassanilu akuersissutigalugu.

Aningaasaqarnerimut Inuussutissarsionermullu Ataatsimiititap suliaq 22. marts 2018 ataatsimiinnermini suliaq akuersissutigivaa aammalu Kommunalbestyrelsimut ilisimatitsissutitut ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyerlsimut inassuteqaatigaa:

- Ilisimatitsissut tusaatissatut tiguneqassasoq.

Suliassamik saqqummiussineq

Qeqertani Nuummi sanaartugassatut qinnuteqaatit pillugit Sanarfinermut Avatangiisinullu Ingerlatsiviup inassuteqaatigisaa Kommunalbestyrelsip ulloq 21. november 2017-imi ataatsimiinnermini akuersissutigissallugu aalajangiuppaa. Sanaartugassatut qinnuteqaatinut akerlilliissutit ingerlatsivimmit suliarineqarneri aamma tusarniaanerup nalaani periarfissatut sanaartugassat nassiunneqartut atulersinneqarnissaat tunngavigalugit inassuteqaatit akuersissutigineqarput. Kommunalbestyrelsip akuersissuteqarnerata kingorna nunaminertap inaarutaasumik atulersinneqarnissaa siunertaralugu soqutigisaqaqatigiit ataatsimoortillugit ingerlatsivimmit ataatsimeeqatigineqarput, kiisalu Kommunalbestyrelsimit piumasaqaataasut soqutigisaqaqatigiinnillu kissaataasut pitsaanerpaamik aaqqiiviginiarlugit soqutigisaqaqatigiit tamarmik immikkut ataatsimeeqatigineqarlutik.

Immikkoortup ataatsimoortumik pilersaarusiorneqarnissaa qulakkeerniarlugu, Kommunimut pilersaarummut tapiliusaaq 2B2-3-mi maleruaqquneqartut aalajangersakkallu atuuttut sanaartugassatut qinnuteqaatinut ilaatinneqanngitsut nunaminertat pillugit siunnersuummut uunga nuunneqarput. Taamaalilluni kommunimut pilersaarummut tapiliusaaq 2B2-4 naapertorlugu sanaartugassatut qinnuteqaatit piviusunngortinneqarnissaat periarfissaalissaaq, nunaminertat kommunimit imaluunniit ineriartortitsinerumt ingerlatseqatigiiffimmit kommunip pigisaanik atorineqarsinnaallutik, kiisalu Nuummi containereqarfiup umiarsualiviup ineriartortinnissaanut periarfissat pillugit pilersaarutaasup atuuttup ingerlateqqinnissaa qulakkiissallugu.

Kommunimut pilersaarummut tapiliussassatut siunnersuut naapertorlugu immikkoortup ilaata killeqarfia iluarsineqassaaq, pissutigalugu immikkoortup ilaa pilersaarummi "Nuuk Nutaamik Pingaarnertut Aaqqissuunneqarnera"-ni nunaminertanik nutaanik ilanngussisoqarneratigut annikillisinneqarmat. Immikkoortuttaaq pilersaarusiortiusup iluani immikkuualuttut pilersaarummit matuminnga iluarsineqassapput. Immikkuualuttoq una ima ilaneqassaaq:

Immikkuualuttoq A: Immikkuualuttumi Sikuki umiarsuarnut containerinik usisunut umiarsualivilioreerneratigut sanaartorfiusinnaasut ilaani sanaartorfioererpoq. Sanaartorfissat ullumikkut atorineqarneratut atorineqaannassapput. Sanaartorfissaaq 1 kommunimut pilersaarummut tapiliussamit matuminnga iluarsineqassaaq siunissamilu alliliinissamut periarfissat qulakkiissallugit. Immikkuualuttumi sanaartorfissat sanaartorfineqarnerini annerpaamik 50 %-iutinneqassapput portunerpaaffialu 32,5 meteriutinneqassalluni.

Immikkuualuttoq B: Immikkuualuttumi sanaartorfissat pilersaarusiornissamik siunnersuutit qinnuteqaatigineqartut naapertorlugit aalajangersarneqassapput, taakkulu piviusunngortissinnaanngorlugit. Sanaartorfissat nutaat qulit pilersinneqarput, tassa immikkuualuttumi inuussutissarsiutit siunertanut. Illuliat portunerpaamik 18 meteriusut nunaminertat agguanneqartut akornanni immikkuualuttumi sanaartorfissat 1/3-iisa aamma 2/3-iisa akornanni sanaartorneqarsinnaapput. Taamaattoq sanaartorfissat 30 %-iini portussuseq 26 meteri akuerineqarpoq.

Immikkuualuttoq B-mi soqutigisaqaqatigiit sanaartorfissagissaanermut pilersaarummik suliaqarnissaanut pisussaavoq, tassanilu immikkoortup sanaartorfissagissarneqarnissaa pingaarnertut nassuaatigissallugu. Immikkuualuttoq B-mi sanaartugassatut qinnuteqaatit akuersissutigineqarnerini Kommunalbestyrelsip piumasaqaatai naapertorlugit aalajangersakkanik aalajangersaasoqarpoq. Matumani immikkuualuttup avannaatungaani qeqqani ataatsimoorfiusumi sanaartoqqusaanermut piumasaqaateqarnermi, nunaminertani atuuffiusuni atajuartussamik qallersorneqassaaq taavalu ataatsimut allagartarsualersuisoqassalluni, ungaluusat aalajangersimasut atornerqarlutik aamma qullilersuisoqarluni.

Immikkoortup kiassaateqarfissaanut sanaartorfissaliisoqarpoq Usisaallu tamatumani assingusumik kiassaateqarfimmik pilersitsinissaminut kiassaateqarluni. Kommunip, Nukissiorfiit immikkoortumilu soqutiginnittup akornanni oqaloqatigiinnikkut immikkoortup kiassarneqarnissaa ersarissaavigineqassaaq.

Immikkuualuttoq C: Inuussutissarsiuteqarnermik suliffeqarfinnut, umiarsualivimmi inuussutissarsiutinut kiisalu inaalitsivinnut atugassaavoq. Sumiiffik ullumikkut illulianik sanaartorfioerpoq, inissallu atorneqarsinnaasut tamakkerneqarsimallutik. Immikkoortumi annerpaamik 15 meter tikillugit sanaartortoqarsinnaavoq.

Immikkuualuttoq D: Sumiiffik attaveqaatinut atortulersuutinut atugassanngortinneqassaaq, soorlu sapusiaq aamma Qeqertat Pukuffillu aqqutilernissaannut ikaartarfik, taakku maanna sanaartorneqarput.

Aaqqiissutissatut siunnersuut – suliatigut naliliineq

Nuummi inuussutissarsiuteqarfiup inuussutissarsiortullu inerisaqqinnissaannut Kommuneqarfik Sermersuup Illoqarfiit pingaarnersaat pillugu periusissiaani kommunimullu pilersaarummi politikikkut pingaarnersiugaasoq naapertorlugu kommunimut pilersaarummut tapiliussassatut siunnersuutitigut matumuuna periarfissaalissasoq Sanarfinermut Avatangiisinullu Ingerlatsivimmit naliliisoqarpoq. Pilersaarummi aalajangersakkat naapertorlugit immikkuualuttoq B-mi sanaartugassatut qinnuteqaatit piviusunngortinniarneri immikkoortumi attaveqarneq takuneqarsinnaasullu pillugit ataatsimut najoqqutarineqartut malillugit pissasoq qulakkeerneqassaaq. Taamaaliornikkut illoqarfiup qeqqata missaani ataqatigiissumik inuussutissarsiuteqarfimmik pilersitsisoqarnissaa kinguneqassaaq. Pilersaaruttaaq naapertorlugu nunaminertaq kommunimit imaluunniit ineriartortitsinermut ingerlatseqatigiiffimmik kommunip pigisaanik atorneqarnissaa qulakkeerneqassaaq, taamaattoqarneratigut soqutigisaqaqatigiit amerlanerusut nutaanillu inuussutissarsiuteqartut pilersitsisinnaallutik immikkoortumilu neqeroortugineqartut atuuffiillu inerisarnissaannut peqataallutik. Pilersaarut naapertorlugu siunissami qaninnerusumi ungasinnerusumilu inuussutissarsiuteqarnikkut illoqarfiullu inerisarnissaatigut periarfissanik assigiinngitsunik ammaassisoqassaaq. Soqutigisaqaqatigiit sanaartugassatut qinnuteqaataat matumani ilaatinneqartut pilersaarutitik aallartissinnaavaat, siunissamilu qaninnerusumi ilaatigut sanaartornissamik pisussaaffiliisoqartussaalluni. Peqataanillu Nuummi containereqarfiup ineriartorteqqinnissaanut periarfissat ammaanneqassapput taamaaliortoqarnerani piffissami sivisunerusumi atuussinnaalluni.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussamik siunnersuusiorneq aningaasatigut kinguneqartitsissanngilaq. Immikkoortumi kommune / NCD nunaminertamik piginnittuutitaammat, immikkoortuni sanaartorfissagissaanernut siunissami ungasinnerusumi aningaasanik

immikkoortitsisoqassaaq. Aningaasat amerlassusaat siunissami aalajangersarneqassapput, kommunimilu sanaartornermut pilersaarussiaata ilaani takuneqarsinnaajumaarluni, imaluunniit NCD aqqutigalugu pissalluni.

Inatsisitigut tunngavissaq allakkallu tunngaviusumik uppersaaitallit

Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq

Inatsisartut inatsisaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Sanaartugassatut pilersaarutit siunnersuut tamanut tusarniaassutigineqassaaq piffissami 28. marts 2018 - 9. maj 2018.

Tusarniaassummut akissuteqarnissamut killiliussaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpat ingerlariaqqinnissamullu inassuteqaateqartoqareerpat, Sanarfinermut Avatangiisinullu aamma Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimi inaarutaasumik akuerineqartussanngorlugu taakkununga nassiunneqassaaq.

Inaarutaasumik pilersaarut tamanit pissarsiarineqarsinnaalissaaq ilaatigut kommunip nittartagaanut ikkunneqarluni aammalu kommunimut pilersaarut pillugu nittartakkamut www.sermersooq2028.gl

Aningaasaqarnermut Allatseqarfimmit oqaaseqaatit

Suliassamik saqqummiussaq qulaani pineqartoq Aningaasaqarnermut Allatseqarfimmit innersuussutigineqarpoq, pilersaarullu taama ittoq pillugu illoqarfimmi inuussutissarsiutinik ingerlataqartut ataatsimoorussinerat nuannaarutigalugu.

Siornatigut aalajangerneq

Sanarfinermut Avatangiisinullu Ataatsimiititap 12. marts 2018 aalajangernera:

Inassuteqaatit akuerineqarput.

Aningaasaqarnermut Inuussutissarsiornermullu Ataatsimiititap aalajangernera 22. marts 2018:

Inassuteqaatit akuerineqarput.

Innuttaasunik peqataatitsineq/attaveqaqatigiinneq

Kommunimut pilersaarummut tapiliussaq sapaatit-akunnerini arfinilinni tamanut tusarniaassutigineqassaaq, tamannalu najukkami nalunaarutigineqarlunilu kommunip tusarniaanermut quppersagaatigut allagarsiissutigineqassaaq takuuk nuna tamakkerlugu pilersaarusiornermut immikkoortortaanit nassiussisarnermut allassimaffia.

Ingerlatsivinnit allaniit oqaaseqaatit

Ingerlatsivinnit allanit oqaaseqaateqartitsisoqanngilaq.

Ilanngussaq/Ilanngussat:

1. Kommunimut pilersaarummut tapiliussaq 2B2-4, Qeqertat 2020 pillugu siunnersuut

Punkt 03D: Kommunimut pilersaarummut tapiliussatut siunnersuut, 1A20-1, Qatannutigiiinguit pingasut, Nuuk

Beslutning

Ilisimatitsissut tusaatissatut tiguneqarpoq.

Bilag

BILAG 1 - FORSLAG TIL KPT 1A20-1_KAL.pdf

Kommunimut pilersaarummut tapiliussatut siunnersuut, 1A20-1, Qatannugutiinnguit pingasut, Nuuk

Ilisimatitsissut

J.nr: 16.03.01.01-P16-3-18

Sanarfinermut Avatangiisinullu Ingerlatsivik – pisortaagallartoq Hans Henrik Winther Johannsen, HHWJ

Suliassamik eqikkaaneq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A20-1, "Qatannugutiinnguit pingasut", Nuuk, akuersissutigisassanngorlugu matumuuna saqqummiunneqarpoq.

Kommunimut pilersaarummut tapiliussatut siunnersuut pilersaarummut qinnuteqaat "*Qatannugutiinnguit pingasut, Nuummi inissiat, Svend Jungep Aqqutaa*" tunuliaqutaralugu suliarineqarpoq, taannalu Sanarfinermut Avatangiisinullu Ataatsimiititamit ulloq marts 12-iani 2018 inaarutaasumik akuerineqarnissaa naatsorsuutigineqarpoq, kingornalu Aningaasaqarnermut Inuussutissarsiornermullu Ataatsimiititamit marsip 22-ni 2018 inaarutaasumik akuerineqassaaq, Kommunalbestyrelsimiillu ulloq 10. aprili 2018 inaarutaasumik akuerineqassalluni, pilersaarummut inatsimmik allanngiineq 1. januar 2016- meersoq malillugu.

Siunnersuut inissianik assigiinngitsunik angissusilinnik 60-it missiliorlugit amerlassusilinnik pilersitsinissamik periarfissiissaaq. Ullumikkut sanaartorfissatut toqqavik inuussutissarsiornermullu soqutiginnittunit atorineqarpoq.

Siunnersuut kommunimut pilersaarummut naapertuuppoq, sumiiffik tamaviat inissialiorfissatut immikkoortinneqarsimammat.

Sanarfinermut Avatangiisinullu Ataatsimiititap suliaq 12. marts 2018 ataatsimiinnerminni akueraat.

Aningaasaqarnermut Inuussutissarsiornermullu Ataatsimiititap suliaq 22. marts-imi 2018 ataatsimiinnerminni akuersissutigaa, suliarlu ilisimatitsissutitut Kommunalbestyrelsimut ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Ilisimatitsissut tusaatissaut tiguneqassasoq.

Suliassamik saqqummiussineq

Pilersaarusiornermut inatsit nutaaq, Inatsisartut inatsisaat nr. 34, 9. december 2015-imeersoq naapertorlugu sanaartugassatut qinnuteqaat "*Qatannugutiinnguit pingasut*", Svend Jungep Aqqutaa, Nuuk, kommunimut pilersaarummut tapiliussatut siunnersuut suliarineqarpoq. Kommunimut pilersaarummut tapiliussatut siunnersuut inissianik assigiinngitsunik angissusilinnik 60-it missiliorlugit amerlassusilinnik, illunut pingasunut quleriinnik 7-nik portutigisunik pilersitsinissamik periarfissiissapput. Siunnersuummut illut akornanni illoqannginnersami

naasuliviliornikkut (mistbænk), oqquiffissaliornikkut ujarassuarnik issortalersuinikkut nunagissaaneq ilaavoq.

Aaqqiissutissatut siunnersuut – suliatigut naliliineq

Sanarfinermut Avatangiisinullu Ingerlatsiviup suli inissiaqarfissaq nutaaq kommuunimup pilersaarummut 2028-moortumut naapertuussoraa. Kommunimut pilersaarummi sumiiffik inissiaqarfissatut immikkoortinneqarsimavoq, tassanilu Nuummi attanneqarsinnaasumik illoqarfimmik ineriartortitsinissamut pingaarnertut najoqqutassatut akulikinnerusunik sanaartornissaq qitiutinneqarpoq.

Pilersaarummilu inissialiassat quleriinnik 7-inik portussuseqarneri sumiiffimmut tulluarluinnarput. Pilersaarummilu sanaartorfigineqanngitsut ilaatigut naasuliviit (mistbænk) varmespiralilersukkat naasullu pioreersut atorlugit ujarassuarnik nunagissaanissaq eqqarsaatigineqarsimallutik. Sumiiffik tamanut, illut tunuaniittumut qaqqajunnamut aqqusineeqqamik pilersitsiffiunissaa soqutiginnittup pilersinniarpaa.

Aningaasaqarnikkut sulisoqarnikkullu naliliinerit

Kommunimut pilersaarummut tapiliussamik siunnersuusiorneq aningaasatigut kinguneqartitsissanngilaq.

Inatsisitigut tunngavissaq allakkallu tunngaviusumik uppersaatitallit

Kommunimut pilersaarummut tapiliussatut siunnersuut ukua toqqammavigalugit suliarineqarpoq:

- Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq (Pilersaarusiornermut inatsit).
- Pilersaarusiorneq aamma nunaminertat atorineqartarneri pillugit Inatsisartut inatsisaata allangortinneqarneranik Inatsisartut inatsisaat nr. 34, 9. december 2015 (Nuna tamakkerlugu pilersaarusiornermut nalunaarusiaq, nunaminertanik inniminniisarneq, atuisinnaanermut killigittitamik sivitsuisinnaanermut periarfissaq, utaqqisunik allattorsimaffiup saqqummiunneqarnissaa, pilersaarusiornermut- nunaminertamillu atuisinnaanermut atatillugu naammagittaalliortarfiup allallu atorunnaarsinneqarnissaa)
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarut pillugu siunnersuut tamanut tusarniaassutigineqassaaq piffissami 28.03.2018 – 09.05.2018. Tusarniaassummut akissuteqarnissamut killiliussaq qaangiuppat pilersaarutissatut siunnersuut, akerliussutit takkussimasut ingerlatsivimmi nalilersorneqareerpata ingerlariaqqinnissamullu inassuteqaateqartoqareerpat, Sanarfinermut Avatangiisinullu, Aningaasaqarnermut Inuussutissarsiornermullu Ataatsimiititani aammalu Kommunalbestyrelsimi inaarutaasumik akuerineqartussanngorlugu taakkununga nassiunneqassaaq.

Inaarutaasumik pilersaarut tamanit pissarsiarineqarsinnaalissaaq ilaatigut kommunip nittartagaanut ikkunneqarluni aammalu kommunimut pilersaarut pillugu nittartakkamut www.sermersooq2028.gl

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup suliaq qulaani pineqartoq innersuussutigaa illoqarfimmilu sanaartortoqarnerunissaa isumalluarfigalugu

Siornatigut aalajangerneq

Sanarfinermut Avatangiisinullu Ataatsimiititap aalajangenera 12. marts 2018-meersoq:
Inassuteqaatit akuerineqarput.

Aningaasaqarnermut Inuussutissarsiornermullu Ataatsimiititap aalajangenera 22. marts 2018-imeersoq:
Inassuteqaatit akuerineqarput.

Innuttaasunik peqataatitsineq/attaveqaqatigiinneq

Kommunimut pilersaarummut tapiliusseq sapaatit-akunnerini arfinilinni tamanut tusarniaassutigineqassaaq, tamannalu najukkami nalunaarutigineqarlunilu kommunip tusarniaanermut quppersagaatigut allagarsiissutigineqassaaq.

Ingerlatsivinnit allaniit oqaaseqaatit

Ingerlatsivinnit allanit oqaaseqaateqartitsisoqanngilaq.

Ilanngussaq/Ilanngussat:

1. Kommunimut pilersaarummut tapiliussatut siunnersuut 1A20-1

Punkt 4: Aalajangiiffissat

Punkt 04A: Sanaartugassatut qinnuteqaat, ”Qatanngutigiinnguit Pingasut”, Svend Jungep Aqqutaa - Nuuk

Beslutning

Inassuteqaat akuerineqarpoq.

Bilag

Bilag 1 KAL.pdf

bilag 2 KAL.pdf

Bilag 3.pdf

BILAG 4.pdf

Sanaartugassatut qinnuteqaat, "Qatanngutigiiinguit Pingasut", Svend Jungep Aqqutaa - Nuuk

Aalajangiiffigisassaq

J. nr.: 16.03-P20-6-17

Sanarfinermut Avatangiisinullu Ingerlatsivik - pisortaagallartoq Hans Henrik Winther Johannsen / HHWJ

Suliassamik eqikkaaneq:

Sanaartugassatut qinnuteqaat, "Qatanngutigiiinguit Pingasut", maanna pilersaarusiornermut inatsit nutaaq naapertorlugu sap. ak. arfineq-pingasuni tusarniaassutigineqareerpoq, pilersaarullu matumuuna inaarutaasumik akuersissutigisassanngorlugu saqqummiunneqarluni. Ingerlatsivimmit naliliineq malillugu, tusarniaanermi akerliliissutit pilersaarusiap nalilersoqqinnissaanut tungaviliinngillat.

Sanarfinermut Avatangiisinullu Ataatsimiititap suliaq 12. marts 2018 ataatsimiinnerminni Akueraat.

Aningaasaqarnermut Inuusutissarsiornermullu Ataatsimiititap 22. marts 2018 ataatsimiinnerminni suliaq alueraat aammalu Kommunalbestyrelsimut ingerlateqqillugu.

Inassuteqaat

Aningaasaqarnermut Inuusutissarsiornermullu Ataatsimiititap Kommunalbestyrelsimut inassuteqaatigaa:

- pilersaarut, suliamullu tunngatillugu ingerlariaqqinnissaq, inaarutaasumik akuerineqassasut.

Suliassamik saqqummiussineq

Kommunalbestyrelsip ataatsimiinnermi 21. novembarimi pilersaarusiornermut inatsit nutaaq naapertorlugu sanaartugassatut qinnuteqaat, "Qatanngutigiiinguit Pingasut", Svend Jungep Aqqutaa, akuersissutiginiarlugu aalajangiuppaa, sapaatit-akunnernilu arfineq-pingasuni piffissami 13.december 2017-imiit 7.februar 2018-imut tusarniaassutigalugu.

Tusarniaaneq qaangiutereerpoq, akerliliissutillu marluk tiguneqarput. Akerliliissutit ingerlatsivimmit suliarineqarneri ilanngussaq 1-mi takuneqarsinnaapput.

Sanarfinermut Avatangiisinullu Ingerlatsivik Svend Jungep Aqqutaani immikkoortup ilaani 1A19-imi 51-inik inissialiornissamik ilaqartumik nutaamik pissanganartumillu pilersaarusiornissamat nunaminertamik inniminniinissamat qinnuteqaammik tigusaqarpoq. Pilersaarutitut susassaqarfik pineqartoq ullumikkut quersuaasaqarpoq soqutiginnittumit nammineq pigineqartumik. Pilersaarummi pineqarput inissarsuit, arfinilinnik quleriillit, pingasut nunagissarlugillu sukisaarsaarfissalersukkat.

Aaqqiissutissatut siunnersuut – suliatigut naliliineq

Tusarniaanerup nalaani akerliliissutitut tiguneqartut pilersaarutip nalilersoqqinnissaanut tungaviliinngimmata, Sanarfinermut Avatangiisinullu Ingerlatsivimmit naliliineq naapertorlugu suli pilersaarut kommunimut pilersaarummut inissianik inissaqartitsisumut naapertuuppoq.

Aammattaaq kommunimut pilersaarut malillugu eqiterineq siunertaavoq, taamaapporlu Nuup illoqarfittut piujuartussamik inerisarnissaanut tunngaviususaaq.

Sanarfinermut Avatangiisinullu Ingerlatsivik pilersaarummut isumalluarpoq, tassanimi pingaarnertut siunertaamat kikkunnilluunniit ornineqarsinnaasumik ukioq naallugu sukisaarsaarfissaliorneq. Ujarassuaminersuit naasuliviillu (mistbænkit) illoqannginnersami pisatsersuutigineqartut ilagissavaat. Taakku saniatigut immini pitsaavoq, B-nr. 227 quersuaasaq soqutigisallip nammineq pigisani, inissiaqarfinngortinniarlugu allanngortikkusummagu. Immikkoortoq pillugu kommunimut pilersaarummut tapiliussamut suliap siunnersuutigineqarnera Sanarfinermut Avatangiisinullu Ingerlatsivimmit pineqarpoq, suliallu ingerlanerani Illuliortaatsimut politikki kommunimit akuersissutigineqartoq malinneqassalluni.

Aningaasaqarnikkut sulisoqarnikkullu naliliinerit

Pilersaarussiaq politikikkut inaarutaasumik akuersissutigineqassappat soqutiginnittullu uppersarsinnaappagu, piginneqatigiiffiup aningaasaateqarfigisaminit oqaaseqaateqartinneratigut, pilersaarussiaq piginneqatigiiffimmit aningaasatigut namanneqarsinnaasoq, nunaminertamik atuinissaa ukiuni marlunni atuuttussanngorlugu tunniussisoqarsinnaavoq. Piffissami tamatumani immikkoortoq pillugu nammineq kommunimut pilersaarummut tapiliussamik suliaqassaaq.

Inatsisitigut tunngavissaaq allakkallu tunngaviusumik uppersarsaatitallit

Pilersaarussiaq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq

Inatsisartut inatsisaat nr. 34, 9. decembari 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaaq

Pilersaarusiornermut Inatsisip allanngortinnerata nutaap ingerlanera ima nassuiarneqarsinnaavoq:

1. Soqutiginnittup sanaartugassatut qinnuteqaatini Kommunalbestyrelsimut nassitissavaa, piunarsaqaataavorlu aningaasaliisussap nammineerluni pilersaarummut tunngavilersuinissaa aammalu avatangiisinut tunngatillugu naliliinerit, assersuutigalugu VVM-it nammineq isumagalugit.
2. Kommunalbestyrelsip pilersaarut akuerissavaa, minnerpaamillu sapaatip-akunnerini arfinilinni tusarniaassutigissallugu, tassunga ilanngunneqassapput Kommunalbestyrelsip qinnuteqarnissamut piunarsaqaatai, taakkulu arlaanulluunniit attuumassuteqassanatik.
3. Tusarniaanermi innuttaasut tusarniaassummut akissuteqarsinnaapput, akerlilissuteqarsinnaapput imaluunniit allanik pilersaarutaasinnaasunik tunniussaqaarsinnaallutik.
4. Tusarniaassuteqartoqareernerata kingorna pilersaarut kommunalbestyrelsimit inaarutaasumik akuersissutigineqassaaq, imaluunniit periarfissatut sanaartugassaasinnaasut isummerfigissallugit. Tassa maannakkut tamaaniippugut.
5. Tamatuma kingorna soqutiginnittoq ukiuni marlunni sivilissuseqarsinnaasumik nunaminertamik inniminniinissaminik periarfissaqalissaaq kommunimullu pilersaarummut tapiliussap suliarineqarnera aallartissaaq.

Pilersaaruttip annertussusaa tunngavigalugu avatangiisinut naliliisoqassappat, assersuutigalugu Avatangiisinut Sunniutinik Naliliinermik (VVM-imik) naliliisoqartariaqarpat, soqutiginnittup nammineerluni tamanna suliarissavaa aningaasaliiffigalugulu.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup suliaq qulaani pineqartoq innersuussutigaa illoqarfimmilu sanaartortoqarnerunissaa isumalluarfigalugu

Siornatigut aalajangerneq

Sanarfinermut Avatangiisinullu Ataatsimiititap 12. marts 2018 aalajangernera:

Inassuteqaatit akuerineqarput.

Aningaasaqarnermut Inuussutissarsiornermullu Ataatsimiititap aalajangernera 22. marts 2018-meersoq:

Inassuteqaatit akuerineqarput.

Innuttaasunik peqataatitsineq/attaveqaqatigiinneq

Pilersaarut inaarutaasumik akuersissutigineqassappat siunissami ungasinnerusumi tusarniaassutigineqartussamik kommunimut pilersaarummut tapiliusaaq suliaralugu aallartinneqassaaq.

Ilanngussaq/Ilanngussat

1. Akerliliissutinik suliaqarneq
2. Akerliliissutit:
3. Suliniummut qinnuteqaat
4. Inatsisartut inatsisaat nr. 34, 9. december 2015-imeersoq

Punkt 04B: Paamiuni quersuit B-31 aamma B-60 – iluarsartuunnerisa allannortiternerisalu kingorna ingerlatsinissamut tapiissuteqarnissamut akuersissut

Beslutning

Inassuteqaat akuerineqarpoq.

Bilag

Bilag 1 - Projektplan udarbejdet af Center for Bygningsbevaring.docx

Bilag 2 - Model af pakhusene set udefra - fremtidsvision.jpg

Bilag 3 - Model af pakhusene set indefra - fremtidsversion.jpg

Bilag 4 - Tilrettede tegninger af Pakhusenes indretning, stueetagen.pdf

Bilag 5 - Tilrettede tegninger af Pakhusenes indretning, 1. sal.pdf

Bilag 6 - Tilsagn om politisk støtte til projektet fra Borgmester Asii Chemnitz Narup.pdf

Bilag 7 SV Pakhusene i Paamiut.docx

Bilag 8 - Indstilling fra afdelingsleder Kúnak Lorentzen og museumsleder Peter Lorentzen i Paamiut.pdf

Bilag 9 - Støtteskrivelse fra Sermersooq Business Council.pdf

Bilag 10 - Tapersiut - støtteskrivelse fra Paamiut Lokaludvalg.pdf

Bilag 11.pdf

Bilag 12 - Entreprise kontrakt for renovering af Stensætningen i 2018.pdf

Paamiuni quersuit B-31 aamma B-60 – iluarsartuunnerisa allanngortiternerisalu kingorna ingerlatsinissamut tapiissuteqarnissamut akuersissut

Aalajangiiffigisassaq

J.nr.: 50.01

Suliffeqarfimmi Kiffartuussineq - kommunaldirektøri Lars Møller-Sørensen / LMS

Suliassamik eqikkaaneq

Quersuit B-31 aamma B-60 allanngutsaalisat talittarfillu ujaqqanik qarmagaq kulturikkut oqaluttuarisaanermut pingaarutilik taannalu illoqarfiup innuttaanut takornarianullu takusassatut iluarsartuunneqartariaqarpoq ingerlanneqarlunilu.

Iluarsartuunissaanut fondinit aningaasaliiffigitinnissanut periarfissat annertuseriarput Center for Bygningsbevaringimit Raadvadimiittumit quersuit siunissami atornissaanut pilersaarummik suliaqartoqareernerata kingorna.

Pilersaarut una quersuit toqqaviisalu ujarassuarnik qarmakkat iluarsartuunissaanut pilersaarutaavoq kiisalu quersuit iluisa inissitsiternissaanut ukununga atugassanngorlugu:

- Akuleriisitsilluni atuarfinnut innuttaasunullu atuakkanik atorniartarfik.
- Qajartortartut Peqatigiiffiannut qaanniortarfik.
- Ini assigiinngitsunut atorneqartartoq, tassa illoqarfiup aalisarfittut oqaluttuassartaanik/eqqumiitsuliortut oqaluttuassartaanik saqqummersitsivittut, tasanilu kalaallit ileqqutoqaat malillugit assasornermik il.il. sulisoqarsinnaassalluni.
- Cafe internetertarfiusoq.

Taama aqqissuussinikkut innuttaasut katersuuttarfissaat pilersinneqassaaq, tasanilu naapillutik sumiiffimmit, isikkivimmit avitseqatigiinnikkullu isumassarsiornerit pisarsinnaapput, saniatigut takornarianut pilerinartutut ornittakkatut atorneqassalluni.

Umiarsualivik kulturimut tunngassuteqassaaq, katersugaasivik sanaluttarfillu eqqannguani inissisimasussaammata.

Aningaasaqarnermut Inuussutissarsiornermullu Ataatsimiitap suliaq 22. marts 2018 ataatsimiinnerminni politikikkut tapersiinissaq tunngaviusumik akueraat, taammaattorli qinnutigineqartut annertussusaat, tassaasut 500.000 kr. akuerinagit, ingerlatsinissamut aningaasartuutissat missingersuutaat inarutaasut piareerpata ilassutitut aningaasaliinissamik qinnuteqartoqassammat.

Inassuteqaatit

Aningaasaqarnermut Inuussutissarsiornermullu Ataatsimiitap Kommunalbestyrelsimut inassuteqaatigaa:

- Tunngaviusumik politikikkut tapersiinissaq akuerineqassasoq.

Suliassamik saqqummiussineq

B- 30 aamma 61 KNI-mit isatigassatut kommunimut tunniunneqarpoq. 2012-imi Paamiuni quersuit pisoqaanermik uppikaanissaat aarlerigineqarmat piarneqarnissaat aalajangerneqarpoq. Taamani kommunalbestyrelsiusut aalajangigaraat tassungalu atatillugu Nunatta Katersugaasivia attavigineqarpoq. Nunatta Katersugaasivianit illup sananeqarnera misissorniarlugu Paamiuliartoqarpoq, kingornalu illup oqaluttuassartaa pillugu allagaqarlutik. Illup saarna ilimagisamiit pitsaaneruvoq paasineqarlunilu silataata qalliutaa akornutaasimasooq. Tamatuma kingorna quersuit allanngutsaaliugassatut innersuussutigineqarput, tamannalu 2013-imi atuutilersinneqarpoq. Taamaalilluni aningaasaliissutitaqanngitsumik allanngutsaaliuineq atuutilersinneqarpoq.

B-30 aamma B-61 illoqarfiup aalisartoqarfiusimaneranik oqaluttuartuupput, siulittalu angusarisimasaannut inuunerisimasaannullu takussutaallutik taamaasilluni illoqarfiup innutaasuisa kinaassusaannut tunngaviulerlutik. Quersuit oqaluttuassartaallu Paamiut oqaluttuarisaaneranut pingaaruteqaqat.

2013-imili Paamiuni Katersugaasiviup quersuit aaqqissornissaanut aningaasaliisussanik tapersersuisussanillu ujarlersimavoq.

2014-imi illup qalliutaata suliarineqarpoq, quersuit ajorneruleqqunagit. Aningaasat isaternissaagaluanut illikartinneqarsimasut atorneqarput.

2016-imi quersuit illuliortariaatsini ileqqusut ataqqillugit peqqissaarullugulu silataat iluarsartuunneqarput, ullumilu Paamiuni illoqarfimmi avatangiisinut kusanaqutaallutik.

Aaqqiissutissatut siunnersuut – suliatigut naliliineq

Illunut akisussaaffeqarneq annertunerulersinniarlugu 2017-imi Center for Bygningsbevaring pilersarusiorpoq, tassani quersuit iluarsartuunneqarnissaanut siunnersuuteqartoqassaaq. Quersuit siunissami atuuffissaannut pilersaarutit Paamiullu atorfissaqartitaanut angissusaanullu naapertuunnissaat pingaaruteqarpoq. Illoqarfimmi aqutsisoqatigiinnit Paamiunilu Najukkami Ataatsimiititalianit quersuit akuleriisitsilluni atuarfinnut innuttaasunullu atuakkanik atorniartarfittut, qaanniorfittut, illoqarfiup aalisarfittut / eqqumiitsuliortut sanalugaannik saqqummersitsivittut / kalaallit ileqqutoqaat malillugit assasornissamut il.il. periarfissatut kiisalu sissami cafeqarnermut atugassangorlugit inississornissaat taperserineqarpoq.

-

Quersuit iluini inissitsiterinerit ima tunngavilersorneqarput:

- Illu maanna illoqarfimmi atuakkanik atorniartarfittut atorneqartartoq aserfallassimavoq. Avatangiisinut oqaluttuassartalinnut quersuarnut allannguitsaalisassanngortinneqarsimasunut atuakkanik atorniartarfiup nuunneqarneratigut atuisut amerlisinnaapput, atuakkanik atorniartarfiliaatigalugu caféliartoqarsinnaassaaq, quersuarmilu sammisassanut allanut peqataasoqarsinnaassalluni.
- Qajartortartut peqatigiiffiat ukiorpaalunni ininik naleqquttunik amigaateqarsimavoq. Tamanna Qajartortartunut Peqatigiiffimmut pitsaanngitsumik sunniteqartarsimavoq. Sulili soqutigineqarpoq, sunngiffimmi immikkoortortami aallartinniarneqarpoq: "Qaanniorneq", tassungalu naammattunik peqataarusuttunik nalunaartoqareerpoq.
- Sissami cafe, internetimut attavilik, najugalinnut takornarianullu iluaqutaasaaq.
- Quersuit ileqqutoqqat malillugit suliaqarnissamut ammaanissamut piukkunnarluinnarput, tassani sapannganik kalaallisuliortoqarsinnaavoq il.il., illoqarfimmilu innuttaasut takornariallu suliaqartunik isiginnaariarsinnaassapput immaqalu aamma namminneq misiliisinnaassallutik.
- Saqqummersitsineq uummaarissuussaaq piviusorsiorpalaartumillu illoqarfiup aalisarfittut oqaluttuassartaanik takutitsisuussaaq, tassuunalu Kalaallit Nunaat aalisarfittut oqaluttuassartaa takutinneqassaaq, taamalu innuttaasut ilisimasanik kulturikkullu kinaassusaannik tunniussisoqassaaq.

Quersuit siuliini eqqartorneqartutut aaqqissuunneqarnerisa illoqarfiup nutaanngitsortaanut pissusissamisoortumik ataqatigiisitsilissaaq, kusanassaqaarlu illup eriaginartutut nalunaarsorneqarsimasup B-15-ip eqqumiitsuliortut sannavissaattut maanna iluarsartuunneqartup eqqaaniinnissaa. Massakkut Paamiut illoqarfittaa tamakkerlugu nutaamik pilersarusiorneqarnera aallartippoq, quersuit kulturikkut kateriffiulerpata sissiugatoqqami inissisimanerisa qitiusorilissavaat.

Quersuit kulturikkut oqaluttuassartap naapiffianik takussutaapput, tamannalu ukiuni makkunani illoqarfimmit nutserartoqarnera peqqutaalluni illoqarfimmi inissiarsuit arlallit piiarneqartariaqarsimapput. Illoqarfimmi innuttaasut kinaassutsiminnik nassaarinneqqinnissartik atorfissaqartippaat – kateriffik, sorlaannik kinaassusaannillu naqissusiisoq.

Aningaasatigut sulisoqarnikkullu naliliinerit

Nutarterinermut fondinit aningaasaliisoqassappat, siunissami quersuarnut ingerlatsinermit aningaasartuutissat ukiumut 500.000 koruuniunissaat naatsorsuutigineqarpoq. Siullertut aningaasartuutigineqartassapput nakkutilliinermut, imermut, innaallagissamut kiisalu toqqammaviumut 317 m2 annertussusilimmut iluarsartuussineq aserfallatsaaliernerlu.

Inatsisitigut tunngavissaq allakkallu tunngaviumik uppernarsaatitallit

”Kommunimut pilersaarut Sermersooq2024” - PAAMIUT – Periusissiaq.

Eqqissimatitsisarneq aamma allatigut kulturikkut eriaqisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq

Ingerlariaqqinnissaq

Qulaani eqqartorneqartut akuerineqarpata suliaq nangeqqinneqassaaq

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit taamaallaat oqaaseqaatigineqassaaq, ingerlatsinermut aningaasartuutaasussat ukiumi missingersuusiorfimmi atuiffiusussami qinnutigineqassasut.

Siornatigut aalajangerneq

Aningaasaqarnermut Inuussutissarsiornermullu Ataatsimiititap aalajangernera 22. marts 2018-meersoq:

Suliaq tunngaviumik tapiiffigineqarnissaa akuerineqarpoq.

Innuttaasunik peqataatitsineq/attaveqaatigiinneq

Pilersaarut Paamiuni Najukkami Ataatsimiititaliaq qanimut suleqatigalugu ilusilersorneqarpoq. Najukkami Ataatsimiititaliamit quersuit ilusilersorneqarnissaannut pilersaarutit, illoqarfiup pisariaqartitaanut naleqquttunngorlugit, aqqqissorneqarput inaarsarneqarlutillu.

Ingerlatsivinnit allanit oqaaseqaatigineqartut

Sanarfinermut Avatangiisinullu Ingerlatsivimmit suliassamik saqqummiussineq misissorneqarpoq, tassanilu paasissutissat pisariaqartinneqartut ilassutigineqarput.

Ilanngussaq/Ilanngussat:

1. Center for Bygningsbevaringimit pilersaarut suliarineqarsimasoq.
2. Quersuit isikkussaannik ilusilersugaq – siunissamut takorluukkat.
3. Quersuit iluisa isikkussaannik ilusilersugaq - siunissamut takorluukkat.
4. Quersuit ilusilersorneqarnerisa titartagartaasa iluarsisutaat, inini allerni
5. Quersuit ilusilersorneqarnerisa titartagartaasa iluarsisutaat, inin qulliit
6. Pilersaarummut politikkikkut tapersiut, borgmesteri Asii Chemnitz Narupimit
7. Paamiuni Najukkami aqutsisooqatigiinnit inassuteqaat
8. Paamiuni immikkoortortami aqutsisumit Kúnak Lorentzenimit aamma katersugaasivimmi aqutsisumit Peter Lorentzenimit inassuteqaat
9. Sermersuumi Inuussutissarsiornermut Siunnersuisooqatigiinnit tapersiilluni allakkiaq
10. Tapersiut - Paamiut Najukkami Ataatsimiititaamit tapersiissutitut allagaqaat.
11. Inge Bisgaard, illussanik titartaasartoq MAA, Nunatta Katersugaasivia Allagaateqarfianiillu tapersiut
12. 2018-imi ujaqqanik qarmakkanik iluarsaassinissamut suliarinnittussamik isumaqatigiissut.

Punkt 04C: Kommuneqarfik Sermersuumi Angalanissamut Aningaasaateqarfiup malittarisassaanik allanngineq

Beslutning

Inassuteqaat akuerineqarpoq.

Bilag

Bilag 1_Fundats for KS rejselegat KAL.doc.docx

Bilag 2_Fundats-for-Kommuneqarfik-Sermersooq_KAL.docx

Bilag 3_Ansøgningsskema_KAL.docx

Kommuneqarfik Sermersuumi Angalanissamut Aningaasaateqarfiup malittarisassaanik allanngiineq

Aalajangiiffigisassaq

J. nr.: 01.07.53

Suliffeqarfimmi Kiffartuussineq - kommunaldirektøri Lars Møller-Sørensen / LMS

Suliassamik eqikkaaneq

Angalanissamut Aningaasaateqarfimmut qinnuteqarnermi immersugassat ajornaallisarneqarnissaat Angalanissamut Aningaasaateqarfimmi siulersuisunit kissaatigineqarpoq. Tamanna tunngavigalugu Angalanissamut Aningaasaateqarfiup malittarisassai allanngortinneqarput qinnuteqarnermilu immersugassaq malittarisassamut naleqqussarneqarluni.

Angalanissamut Aningaasaateqarfiup malittarisassai §§ 3 aamma 6 allanngortinneqarput.

Aningaasaqarnermut Inuussutissarsiornermullu Ataatsimiititap suliaq 22. marts 2018 ataatsimiinnerminni suliaq akueraat aammalu Kommunalbestyrelsimut ingerlateqqillugu.

Inassuteqaatit

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Kommuneqarfik Sermersuumi Angalanissamut Aningaasaateqarfiup malittarisassai allannguuteqarnerat akuersissutigineqassasoq

Suliassamik saqqummiussineq

Angalanissamut Aningaasaateqarfimmut qinnuteqarnermi immersugassat ajornaallisarneqarnissaat Angalanissamut Aningaasaateqarfimmi siulersuisunit kissaatigineqarpoq. Tamanna tunngavigalugu Angalanissamut Aningaasaateqarfiup malittarisassai allanngortinneqarput qinnuteqarnermilu immersugassaq malittarisassamut naleqqussarneqarluni.

Aaqqiissutissatut siunnersuut – suliatigut naliliineq

Angalanissamut Aningaasaateqarfiup malittarisassai ima allannguuteqarput:

§ 3 ima ilaneqarpoq: Immikkut pisassaq taamaallaat tassaavoq angajoqqaat meeqqallu minnerit ataatsimut najugaqatigiinngitsut.

Illassuteqarnermi angajoqqaat minnernik meerallit angalanissamut qinnuteqarsinnaasut erseqqissaatigineqarpoq, aamma naak najugaqatigiinngikkaluarunik.

§ 6-imi una peerneqarpoq: 1) Qinnuteqartup pisussaaffia kommunimi kommunimullu, pisussaaffik taanna atuuppat angalanissamut pissutissaqarpat.

Paragraffi taanna peerneqarpoq, pissutigalugu angalaneq eqqarsaatigalugu qinnuteqartup kialluunniit kommunimi kommunimullu pisussaaffia siulersuisunit ilisimaneqarnissaa ajornarmat.

Malittarisassaq inatsisilerituumit misissorneqareerpoq inatsitigullu allatigut akerliunani.

Aningaasaqarnikkut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppersaatitallit
Kommuneqarfik Sermersuumi Angalanermut Aningaasaateqarfiup malittarisassai

Ingerlariaqqinnissaq

Kommunalbestyrelsen akuersissuteqarneratigut malittarisassap akuersissutigineqartup 2018-imi apriilimi siunissamilu siulersuisut ataatsimiittarnissaanni angalanissanut agguaassinerit inatsisitigut tunngavissaqartinneqalissapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Siornatigut aalajangerneq

Aningaasaqarnermut Inuussutissarsiornermullu Ataatsimiititap aalajangernera 22. marts 2018-meersoq:

Inassuteqaatit akuerineqarput.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatit

Soqanngilaq.

Ilanngussaq/Ilanngussat:

1. Angalanissamut Aningaasaateqarfiup malittarisassai atuuttut
2. Angalanissamut Aningaasaateqarfiup malittarisassai allannguutillit
3. Angalanissamut Aningaasaateqarfimmut qinnuteqarnissamut immersuiffissaq allannguutitalik

Punkt 04D: Sumiiffinnik Aqquserngillu Taaguutaannik Siunnersuisoqatigiit

Beslutning

Inassuteqaatit akuerineqarput, imannak oqaasertalerlugit:

- Ileqqoreqqusap Sumiiffinnik Aqquserngillu Taaguutaannik Siunnersuisooqatigiinni akuersissutigineqarnissaa pisariaqanngilaq, Kommunalbestyrelsi ileqqoreqqusamit akuersisuusussaammat.

Bilag

Bilag 1_Kal.pdf

Sumiiffinnik Aqquserngillu Taaguutaannik Siunnersuisoqatigiit

Aalajangiiffigisassaq

J.nr.: 23.02.03

Suliffeqarfimmi Kiffartuussineq - kommunaldirektøri Lars Møller-Sørensen / LMS

Suliassamik eqikkaaneq

Sumiiffinnik Aqquserngillu Taaguutaannik Siunnersuisoqatigiiliortoqarnissaa qangalili politikikkut kissaatigineqarnikuuvoq. Sumiiffinnik Aqquserngillu Taaguutaannik Siunnersuisoqatigiit kommunalbestyrelsimut siunnersuuteqartartussaavoq, siunnersuisoqatigiillu suliassaasa pingaarnersarissavaat Sumiiffinnik Aqquserngillu taaguutaannik siunnersuuteqartarnissaq.

Aningaasaqarnermut Inuusutissarsionermullu Ataatsimiititap januaarip 19-anni 2017 ataatsimiinnermini kissaatigaa Paamiuni, Tasiilami Ittoqqortoormiinilu assingusumik siunnersuisooqatigiiliortoqassasoq, Nuummiinnaangitsoq.

Siunnersuisoqatigiit ilaasortai tamarmiusut pissarsiarineqarput. Siunnersuisoqatigiit inissitsiterlutik ataatsimiissaat upernaaru piumaarpoq.

Aningaasaqarnermut Inuusutissarsionermullu Ataatsimiititap marsip 22-anni 2018 ataatsimiinnermini suliaq oqaluuseraa. Ataatsimiititami isumaqatigiissutigineqarpoq Nuummi siunnersuisooqatigiit Kommunalbestyrelsimut siunnersuisartuussasut, tamatumani najukkani ataatsimiititaliat Nuup avataani siunnersuisartuussallutik. Ataatsimiititap Borgmesteri Sumiiffinnik Aqquserngillu Taaguutaannik Siunnersuisooqatigiinnut malittarisassaanik naqqiissuteqarnissaanut pisinnaatippaat Kommunalbestyrelsip apriliip 10-ni 2018 ataatsimiinnerani inaarutaasumik akuerineqannginnerani.

Inassuteqaatit

Aningaasaqarnermut Inuusutissarsionermullu Ataatsimiititap Kommunalbestyrelsimut inassuteqaataa:

- Nuummi siunnersuisooqatigiit tamanut siunnersuisartuunissaat akuersissutigineqassasoq
- Tasiilami, Ittoqqortoormiini Paamiunilu Najukkami Ataatsimiititaliat Nuup avataani siunnersuisartuunissaasa akuersissutigineqarnissaat
- siunnersuisooqatigiit Tasiilami, Ittoqqortoormiini Paamiunilu Najukkami Ataatsimiititalianik Nuup avataani taaguutissanik siunnersuinerinut atatillugu peqataatinneqartarnissaat akuersissutigineqassasoq
- malittarisassat iluarsaanneqarnissaat akuersissutigineqassasoq
- siunnersuisooqatigiinni ilaasortanngortut inaarutaasumik akuersissutigineqassasut

Suliassamik saqqummiussineq

Sumiiffinnik Aqquserngillu Taaguutaannik Siunnersuisoqatigiiliortoqarnissaa qangalili politikikkut kissaatigineqarnikuuvoq. Sumiiffinnik Aqquserngillu Taaguutaannik Siunnersuisoqatigiit Kommunalbestyrelsimut siunnersuuteqartartussaavoq, siunnersuisoqatigiillu suliassaasa pingaarnersarissavaat Sumiiffinnik Aqquserngillu taaguutaannik siunnersuuteqartarnissaq.

Aningaasaqarnermut Ataatsimiititap januaarip 19-ianni 2017 ataatsimiinnermini siunnersuisoqatigiit pilersinneqarnissaat, siunnersuisoqatigiit ilaasortassai aammalu ileqqoreqqusaq sammisimavaai akuersissuteqarsimallunilu ukuningga oqaaseqaateqarluni:

- Sumiiffiit Aqquserngillu taaguutaat pillugit siunnersuisoqatigiit Nuup illoqarfianut tunngasuinnaassanngitsut.

Aamma Paamiuni, Tasiilami Ittoqqortoormiini siunnersuisoqatigiinnik taama ittunik pilersitsisoqassaaq

- Sumiiffinnik Aqquserngillu taaguutaat pillugit siunnersuisoqatigiit Aalisarnermut Piniarnermullu Peqatigiiffimmit ataatsimik aammalu Sunngiffimmi Aalisarnermut Piniarnermullu peqatigiiffimmit ataatsimik peqataatitaqassasut.
- Sumiiffinnik Aqquserngillu taaguutaannik siunnersuisoqatigiit pisariaqartitsisoqartillugu immikkut ilisimannittunik aggersaasassut.

Aaqqiissutissatut siunnersuut – suliatigut naliliineq

Suliassat eqqarsaatigalugit Najukkami Ataatsimiititaliat namminneq najukkaminni aqquserngit sumiiffillu taaguutissaannik siunnersuuteqarnermi peqataatinneqartassapput.

Siunnersuisoqatigiit inaarutaasumik ilaasortaai ukuupput:

- Marianne Petersen, Translatøri
- Lisathe Kruse Møller, Oqaasileriffimmi Immikkut Siunnersorti
- Frederik Holm, Illussanik Titartaasartoq Nuummilu innuttaq
- Tittus Dalager, Bygningskonstruktør aamma Sanarfinermut Avatangiisinullu Ingerlatsivimmi atorfilik
- Johannes Heilmann, NAPP-miit aallartitaq
- Salik Hard, Sunngiffimmi Aalisarnermut Piniarnermullu peqatigiiffimmiit aallartitaq

Siunnersuisoqatigiinnik pilersitsinermi Kommunalbestyrelsimut ilaasortap Uju Petersenip kaajallattarissanik taaguusersuinissamik siunnersuutaa, aammalu Kommunalbestyrelsimut ilaasortap Storm Ludvigsenip Lars Miilu Lund atsiullugu aqqusineramik taaguusiinissamik siunnersuutaa ikorfartorneqassaaq.

Aningaasatigut sulisoqarnikkullu naliliinerit

Ataatsimiinnerni sutugassanut aningaarsartuuteqarumaarpoq.

Inatsisitigut tunngavissaq allakkallu tunngaviusumik uppersaatitalit

Kommuneqarfik Sermersuumi Sumiiffinnik Aqquserngillu Taaguutaannik Siunnersuisoqatigiit ileqqoreqqusaat

Kommunit aqunneqarnerat pillugu Inatsisartut inatsisaat nr. 29, 17. november 2017-meersoq. (aqutsinermit inatsit)

Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq (suliassamik isumaginninnermit inatsit)

Ingerlariaqqinnissaq

Siunnersuisooqatigiinnigortut upernaap ingerlanerani inissitsiterlutik ataatsimiissapput.

Ataatsimiigiaqqusisuussaaq Suliffeqarfimmut Kiffartuussivimmit suliarineqassaaq, taannaammat Sumiiffinnik Aqquserngillu Taaguutaannik Siunnersuisooqatigiinnut allatseqarfiusoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Siusinnerusukkat aalajangerneq

Aningaasaaqarnermut Ataatsimiititap januaarip 19ianni 2017 aalajangernera 19. januaari 2017:

Aningaasaqarnermut Ataatsimiititap inassuteqaatit akuersissutigai oqaaseqaatigalugu:

- Sumiiffiit Aqquserngillu taaguutaat pillugit siunnersuisoqatigiit Nuup illoqarfianut tunngasuinnaassanngitsut.

- Aamma Paamiuni, Tasiilami Ittoqqortoormiinu siunnersuisoqatigiinnik taama ittunik pilersitsisoqassaaq
- Sumiiffinnik Aqquserngillu taaguutaat pillugit siunnersuisoqatigiit Aalisarnermut Piniarnermullu Peqatigiiffimmit ataatsimik aammalu Sunngiffimmi Aalisarnermut Piniarnermullu peqatigiiffimmit ataatsimik peqataatitaqassasut.
- Sumiiffinnik Aqquserngillu taaguutaannik siunnersuisoqatigiit pisariaqartitsisoqartillugu immikkut ilisimannittunik aggersaasassut.

Aningaasaqarnermut Inuussutissarsiornermullu Ataatsimiititap aalajangenera 22. Marts
2018-meersoq:

Aningaasaqarnermut Inuussutissarsiornermullu Ataatsimiititap isumaqatigaa Nuup avataani Najukkani Ataatsimiititaliat tunngaviussasut. Borgmesteri pisinnaatinneqarpoq 10. april 2018 Kommunalbestyrelsip ataatsimiinnissaani suliap inaarutaasumik akuerineqarnissaanut maleruagassamik aqqiissuinissaanut.

Innuttaasunik peqataatitsineq/attaveqaqatigiinneq

Siunnersuisoqatigiit kalaallisut taaguutinik qitiutitsilernissamut qarasaasiakkut attaveqaatit, soorlu nittartagaq Facebookilu atorlugit pilersitsisinnaavoq.

Ingerlatsivinniit allaniit oqaaseqaatigineqartut

Ingerlatsivinnit allaniit oqaaseqaateqartitsisoqanngilaq.

Ilanngussaq/Ilanngussat

1. Kommuneqarfik Sermersuumi Sumiiffinnik Aqquserngillu Taaguutaannik Siunnersuisoqatigiit ileqqoreqqusaat

Punkt 04E: 2019-imut missingersuusiornissamut maleruagassat

Beslutning

Inassuteqaatit akuerineqarput.

Bilag

Budgetregulativ 2019 DK_20304 KAL.docx

2019-imut missingersuusiornissamut maleruagassat

Aalajangiiffigisassaq

J.nr.: 06.04.01

Suliffeqarfimmi Kiffartuussineq - kommunaldirektøri Lars Møller-Sørensen / LMS

Suliassamik eqikkaaneq

Kommunip Ingerlatsineranut Aningaasaqarnermullu Aqutsineranut Najooqutassiaani imm. 11 naapertorlugu, Aningaasaqarnermut Inuussutissarsiornermullu Ataatsimiititaq missingersuusiornissamut maleruagassanik saqqummiussiffigineqassaaq, ukiumi tulliuttumi missingersuutit suliarineranni aningaasaliissutigineqartussanik aalajangersaaffiusumik.

2019-imut missingersuutitut missingersuusiornissamut maleruagassat matumuuna Aningaasaqarnermut Inuussutissarsiornermullu Ataatsimiititamut akuerisassanngorlugit saqqummiunneqarput.

Aningaasaqarnermut Inuussutissarsiornermullu Ataatsimiititap suliaq 22. marts 2018-imi ataatsimiinnerminni akueraa aammalu Kommunalbestyrelsimut ingerlateqqillugu.

Inassuteqaatit

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- 2019-imut missingersuusiornissamut missingersuusiornermut najooqutassaq akuersissutigineqassasoq, tassunga ilanngullugit immikkoortut tulliuttut
 - Aningaasaliissutissat qaffasissusissaat anguniakkat qaffasissusissaannut 3-mut nutaamut aalajangersarneqassaaq,
 - Tamakkiisumik aningaasaliissuteqartarnissaq atuutilersinneqarpoq, allatut oqaatigalugu aningaasartuutissanut aningaasaliissuteqartoqartassaaq, aappaanullu anguniagassatut qaffasissutsimi 3-mi isertitassanut aningaasaliissuteqartoqassalluni.
 - Akissarsiaqartitsinermi immikkut pituttorsimasoqassanngitsoq
 - Ukiut akornanni isertitakinneruneranut atuinerunerullu nuussisoqartarsinnaavoq.
 - Kommunimi akileraarutip procentia 26 %-unissaa aalajangiunneqassasoq
 - Aningaasat tigorianaanaat 6%-ussasut.
 - Sanaartornermut minnerpaamik 200 mio. koruunit immikkoortinneqassasut - tassannga ilaatigut kommunip ingerlatseqatigiiffiinit sanaartukkanut aningaasartuutit akilerneqartassapput

Suliassamik saqqummiussineq

Kommunip Ingerlatsineranut Aningaasaqarnermullu Aqutsineranut Najooqutassiaani imm. 11 naapertorlugu, Aningaasaqarnermut Inuussutissarsiornermullu Ataatsimiititaq missingersuusiornissamut maleruagassanik saqqummiussiffigineqassaaq, ukiumi tulliuttumi missingersuutit suliarineranni aningaasaliissutigineqartussanik aalajangersaaffiusumik.

Aningaasaqarnermut Ingerlatsivik 2019-imut missingersuusiornissamut najooqutassamik siunnersuusiortoq, tassaniillutik 2019-imut missingersuusiornissamut atatillugu najooqutassat

piffissamillu pilersaarut, kiisalu kontunut pilersaarut naapertorlugu aningaasaliissutit qaffasissusissaannut malittarisassatut nutaatut siunnersuutit.

Missingersuusiorderup ingerlanneqarnissaanut toqqammaviusunillu aalajangersaanermi missiliuusiorderit qularnaatsuunissaat missingersuusiorderissamilu piumasaqaatit uppernarsaatitassaqarluarnissaat pingaarnepaatinneqarpoq.

2019-imut missingersuusiorderissamut tunngatillugu anguniakkat tamakku anguneqarnissaannut imaattunik naleqqussaasoqarnissaa siunnersuutigineqarpoq:

- Aningaasaliissutissat qaffasissusissaat anguniakkat qaffasissusissaannut 3-mut nutaamut aalajangersarneqassaaq, kontunut pilersaarut nutaaq naapertorlugu
- Tamakkiisumik aningaasaliissuteqartarnissaq atuutilersinneqarpoq – Aningaasartuutissanut isertitassanullu aningaasaliissutit
- Missingersuutinit aningaasaqarnikkut sinaakkutissat aningaasarsiornermi politikkeqarnikkut aalajangerneqassapput
- Sanaartugassanut missingersuutini atuisinnaanermut najoqqutassaaq ukiut tulliiut missingersuusiorderiusut ilanngullugit, 2017-imi atulersinneqartut assinga atorneqassaaq.

Aaqqiissutissatut siunnersuut – suliatigut naliliineq

Missingersuutit tamarmiusut pisortat aningaasaqarneranni tamarmiusuni ukiut sisamat ingerlaneranni oqimaatigiissinneqassapput imaluunniit sinneqartoorfiussapput. Tamanna Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersumi § 2 naapertorlugu allassimavoq.

§ 2 imm. 3 naapertorlugu kommunit kiisalu Namminersorlutik Oqartussat ingerlatsinermit aningaasartuutaasa katinneranni kiisalu nuussinerit annerpaamik isertitassatut naatsorsuussat ukiuni 4-ni 93 procentiusimappat. Allatut oqaatigalugu sanaartugassanut missingersuutinit ilimagisamit isertitassatut ikinnerpaamik 7 %-it illikartinneqassapput.

Kommunip aningaasaqarnermik aqutsinera nukittorsarniarlugu, tamatumunnga kommunip ingerlatsinermit aningaasartuutaasa siunissami aningaasatigut atugassariligassanut naleqqussarneqarnissai ilanngullugu, kommunip suliassaqarfiini assigiinngitsorpassuarni pinngitsoorani aningaasartuutaasariaqartut nalunaarsornerini uppernarsaatitassaqartut toqqammavigalugit kommunimi aningaasatigut aqutsisoqassasoq. Pinngitsoorani aningaasartuutaasariaqartut tassaapput:

- Suliassaqarfimmi aningaasatigut pingaarutillit suuneri
- Sunniuteqarfigisinnaasat - taakkununnga ilanngullugit allatut aaqqiissutaasinnaasut
- Suliniutit aningaasatigut kingunerisassaattut ilimagisat
- Akissuteqarfigineqarnissamut piffissaq - suliniutip aallartinneqarnissaanut piffissaliussaq, ilimagisamik aningaasatigut kingunerisassat paasineqarnissaasa tungaanut

Missingersuusiorderissamut maleruagassat suliarineqarput siunissami aningaasanik aqutsineq - missingersuusiorderneq ilanngullugu - taakkunani tunngaviit naapertorlugit suliarineqarnissaat ikorfartorniarlugu.

Aningaasaqarnikkut sulisoqarnikkullu naliliinerit

2019-imut missingersuusiornermut atatillugu suliassat kommunip nammineq sulisuinit sularineqassapput.

Inatsitigut tunngavissaq allakkallu tunngaviusumik uppersaatitalit

- Kommunit aqunneqarnerat pillugu inatsit, § 5
- Kommunit siumoortumik missingersuusiortarnerat, akiliisinnaassuseqarnerat, naatsorsuutaat kiisalu karsi aningaasanillu aqutsinerat pillugu nalunaarutit
- Ingerlatsinermut Aningaasaqarnermillu Aqutsinermut Najooqutassiaq

Ingerlariaqqinnissaq

Missingersuutiniq suliaqarneq ukiap ingerlanerani ingerlanneqassaaq, taamaasilluni oktobarip aallaqqaataanni 2018 kommunalbestyrelse missingersuutit pillugit immikkut sammisaqarniassamat, missingersuutissallu inaarutaasut naammassineqarlutik, akuersissutigineqarlutik kingusinnerpaamillu 23. novembari 2018 tamanut saqqummiunneqarlutik.

Aningaasaqarnermut Allatseqarfimmit oqaaseqaatit

Oqaaseqaateqartoqanngilaq

Siornatigut aalajangerneq

Aningaasaqarnermut Inuusutissarsiornermullu Ataatsimiititap aalajangernera 22. marts 2018-meersoq:

Inassuteqaatit akuerineqarput.

Innuttaasunik peqataatitsineq/Attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqaateqartitsisoqanngilaq

Ilanngussaq

1.2019-imut missingersuusiornissamut maleruagassat

Punkt 04F: Kommuneqarfik Sermersuumi Isumaginnittoqarfik aqqutigalugu inissamik innersuussisarneq pillugu ileqqoreqqusaq

Beslutning

Inassuteqaat akuerineqarpoq.

Bilag

BVU vedtægt 2018-KAL.pdf

Kommuneqarfik Sermersuumi Isumaginnittoqarfik aqqutigalugu inissamik innersuussisarneq pillugu ileqqoreqqusaq

Aalajangiiffigisassaq

J. nr. 31.00.00/2

Isumaginninnermut Suliffeqarnermullu Ingerlatsivik – pisortaagallartoq Kista Lynge Høegh / KILH

Suliassamik eqikkaaneq

Isumaginninnermut Suliffeqarnermullu Ingerlatsiviup aamma Meeqqanut Ilaqutariinnullu Ingerlatsiviup Kommuneqarfik Sermersuumi Isumaginnittoqarfik aqqutigalugu inissamik innersuussisarneq pillugu ileqqoreqqusaat aalajangiiffigisassanngortippaat. Sumiiffiimmi siornatigut Kommuneqarfik Sermersuumut atuuttumik ileqqoreqqusaqanngilaq, tamannalu pisariaqartinneqarmat aalajangiiffigisassiinnermut tunngaviuvoq.

Isumaginninnerup iluani inissianik tunniussisarneq najukkami inissamik innersuussisartoqatigiinnit isumagineqartarpoq (IIA) Ittoqqortoormiini, Tasiilami, Paamiuni Nuummilu. (BVU) i Ittoqqortoormiit, Tasiilaq, Paamiut aamma Nuuk.

Kommuneqarfik Sermersuumi isumaginnittoqarfik aqqutigalugu inissamik innersuussisarneq pillugu ileqqoreqqusaq Isumaginninnermut Suliffeqarnermullu Ataatsimiititap 16. januaari 2018-imi ataatsimiinnermini oqaluuseralugulu akuersissutigaa. Suliaq Meeqqanut Ilaqutariinnullu Ataatsimiititamut akuersissutigisassanngorlugu ingerlateqqinneqarpoq, kingornalu inaarutaasumik akuersissutigineqarnissaanut Aningaasaqarnermut Inuussutissarsiornermullu Ataatsimiititamut aamma Kommunalbestyrelsimut ingerlateqqinneqassalluni.

Meeqqanut Ilaqutariinnullu Ataatsimiititap suliaq 2. februar 2018-imi ataatsimiinnermini akueraa aammalu Aningaasaqarnermut Inuussutissaqarnermullu Ataatsimiititamut Kommunalbestyrelsimullu inaarutaasumik akuerisassanngorlugu ingerlateqqillugu.

Aningaasaqarnermut Inuussutissarsiornermullu Ataatsimiititap ileqqoreqqusaq 22. marts 2018-imi ataatsimiinnermini akueraa, inaarutaasumillu akuerisassanngorlugu Kommunalbestyrelsimut ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Ileqqoreqqusaq inaarutaasumik Kommunalbestyrelsip akuerissagaa.

Suliassamik saqqummiussineq

Kommuneqarfik Sermersuumi Isumaginnittoqarfimmiit inissianik innersuussisarnermi ileqqoreqqusamik nutaamik pisariaqartitsisoqarpoq. Ileqqoreqqusami Isumaginnittoqarfik aqqutigalugu inissiamik qinnuteqartunut, inuunermi atugarisaminnik peqquteqarlutik inissiamik tunineqarnissamik tulluartut pillugit tunniussisarnermi periutsit eqqartorneqarput. Inuttut atukkat ilaatigut eqqartorneqarsinnaasut angajoqqaatut oqartussaatinneqartoq meeqqanik inuusuttunillu sanngiitsunik tigummiaraqpat, tassani angerlarsimaffiup avataani inissinneqarsimasut; inuusuttut paaqqinnittarfiup avataani inooqqilernissaminnut sungiusartut suliniuteqareernermi malitseqartinneqartut; inuit timikkut tarnikkulluunniit nappaatillit piginnaasaalluunniit killeqartut; inuit iliuusissamik piginnaanngorsaqqinnissamullu pilersaarusiordfigineqarsimasut tassanilu inuit atonerluisuunermiit katsorsartittut pineqaatissinneqarsimasulluunniit inissiisarfiup avataani inooqqilernissamut sungiusartut; utoqqalinersiaqartut; inuit katissimasaat/inooqataaluunniit toqukkat qimagunneranni inissaaruttut.

Aaqqiissutissatut siunnersuut – suliatigut naliliineq

Ileqqoreqqusap akuerineqarneratigut Kommuneqarfik Sermersuumi Isumaginnittoqarfimmiit inissianik innersuussisarnermi aqutsinikkut malitassatut sinaakkutassanik pilersitsisoqassaaq. Ileqqoreqqusaq kommunimi innuttaasunut sanngiitsunut sunniuteqartussaavoq, pingaaruteqarporlu tassani suleriutsip erseqqarissumik allassimanissaa innuttaasumummi pitsaasumik kinguneqarniassamat.

Immikkoortoq 1 ataatsimiititap ataqatigiissaarneranut suleqatigiinnissamullu isumaqatigiissummut tunngavoq. Illoqarfimmi illoqarfiilluunniit immikkoortuinut (illoqarfiit nunaqarfillit) Isumaginnittoqarfimmiit inissiamik innersuunneqartuni utaqqisuniittuutillit ataatsimiititaliaqassapput. Ataatsimiititap immikkoortortani aqutsisut sinnerlugit ingerlatsivinniluunniit pineqartuni suliamut attuumassuteqartunik sulialinnik siammassissuseqartumik katiterneqassaaq.

Immikkoortoq 2 ataatsimiititap suliaasaat pisussaaffiilu, soorlu utaqqisunik allattorsimaffimmik suliaqarneq malinnaaffiginissaanillu imaqarpoq.

Immikkoortoq 3 Isumaginnittoqarfimmiit inissiamik innersuussisarnermi qinnuteqartunillu utaqqisunut allattorsimaffimmi pingaarnersiutinissap tunngaviinik imaqarpoq.

Immikkoortoq 4 aalajangiunneqartumut naammagittaalliuuteqarnissamut periarfissamut tunngavoq. Suliaq annerusumik meeqqamut tunngassuteqartumik paasissutissiippat, naggataatigut Meeqqanut Ilaqutariinnullu Ataatsimiititamut saqqummiunneqarsinnaavoq, suliarlu qitiusumik inersimasumut tunngassuteqartumik paasissutissiippat naggataatigut Isumaginninnermut Sulisoqarnermullu Ataatsimiititamut saqqummiunneqarsinnaavoq. Isumaginnittoqarfik aqutugalugu inissianut aaliangiinerit, Isumaginninnermi malittarisassat naapertorlugit, aalajangiinerunngimmata, Isumaginninnermi Naammagittaalliuuteqartarfimmut naammagittaalliuutigineqarnissaanut aallaaviusinnaanngilaq.

Immikkoortoq 5 ileqqoreqqusamik atulersitsinissamut piffissaritinneqartumut tunngavoq.

Ileqqoreqqusaq suliamut ilanngunneqarpoq.

Aningaasaqarnikkut sulisoqarnikkullu naliliinerit

Ileqqoreqqusap atuutinneqalerneranit aningaasartuutaanaviangitsoq Ingerlatsiviup nalilerpaa.

Inatsisitigut tunngaviusut aamma allagartat uppernarsaatitut sinaakkusersuutaasut

Inissiat attartortittakkat pillugit Inatsisartut peqqussutaat nr. 2, 12. maj 2005-imeersoq

Kommunit ileqqoreqqusaannik atortussanngortitsinerit nalunaarutigineqartarnerallu pillugit ilitsersuut 9. februar 2017, Naalakkersuisuni siulittaasup naalakkersuisoqarfianit Inatsisilerinnermi immikkoortortami suliarineqartoq.

Ingerlariaqqinnissaq

Ileqqoreqqusaq Kommunalbestyrelsimiit atuutsinneqartutut aalajangerneqarneranit qaammatip ataatsip kingorna atuutisilissaaq. Inatsit atuuttoq malillugu Kommune Isumaginnittoqarfimmiit inissiamik innersuussisarnermi ileqqoreqqusamik suliaqarsinnaatitaanngilaq. Kommunimiinnaq ileqqoreqqusamik atuutsitsiniarneq Naalakkersuisunit akuerisassaangitsoq, atortussanngortinneqartussaangitsoq nalunaarutigisariaqanngitsorluunniit eqqartorneqarpoq. Ileqqoreqqusaq kommunip nittartagaatigut tamanut nalunaarutigineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Siornatigut aalajangerneq

Isumaginninnermut Suliffeqarnermullu Ataatsimiititap aalajangernera 16. januar 2018-meersoq:

Inassuteqaatit akuerineqarput.

Meeqqanut Ilaqutariinnullu Ataatsimiititap aalajangerner 2. februar 2018-meersoq:
Inassuteqaatit akuerineqarput.

Aningaasaqarnermut Inuusutissarsiornermullu Ataatsimiititap aalajangernera 22. marts 2018-meersoq:
Inassuteqaatit akuerineqarput.

Innuttaasunik peqataatsineq/Attaveqaqatigiinneq
Soqanngilaq

Ingerlatsivinniit allaniit oqaaseqaatigineqartut
Ingerlatsivinnit allanit oqaaseqaateqartitsisoqanngilaq

Ilanngussaq

1. Kommuneqarfik Sermersuumi Isumaginnittoqarfik aqutigalugu inissamik innersuussisarneq pillugu ileqqoreqqusamut siunnersuut.

Punkt 04G: Inunnik Isumaginninnermik Siunnersuisoqatigiit pilersinneqarnissaannut siunnersuut

Beslutning

Siunnersuut arfineq marluusunit, ukuusunit Siumut, ilalernerqarpoq. Siunnersuut amerlanerussuteqartunit 19-usunit ukuusunit, Inuit Ataqtigiinnit aamma Demokraatinit, ilalernerqanngilaq. Siunnersuut itigartinneqarpoq.

Inunnik Isumaginninnermik Siunnersuisoqatigiit pilersinneqarnissaannut siunnersuut

Kommunalbestyrelsimut ilaasortap Peter Davidsen-ip (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmi Kiffartuussineq - kommunaldirektøri Lars Møller-Sørensen /LMS

Suliassamik eqikkaaneq

Kommunalbestyrelsimut ilaasortaq Peter Davidsen (S) martsip 26-ani 2018

Kommunalbestyrelsimut aalajangiiffigisassatut Kommuneqarfik Sermersuumi Inunnik Isumaginninnermik Siunnersuisoqatigiit pilersinneqarnissaannut siunnersuuteqarpoq.

Inassuteqaat

Suliffeqarfimmi Kiffartuussinerup Kommunalbestyrelsimut inassuteqaatigaa:

- Peter Davidsen-p siunnersuutaa Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

Suliassamik saqqummiussineq

Kommunalbestyrelsimut ilaasortaq Peter Davidsen (S) martsip 26-ani 2018

Kommunalbestyrelsimut aalajangiiffigisassatut Kommuneqarfik Sermersuumi Inunnik Isumaginninnermik Siunnersuisoqatigiit pilersinneqarnissaannut siunnersuuteqarpoq.

Siunnersuuteqarnermut tunngavilersuut:

Inunnik Isumaginninnermik Siunnersuisooqatigiit (Socialråd) susassaqartunik misilittagalinnillu inuttaqassaaq.

Inunnik Isumaginninnermik Siunnersuisooqatigiit tassaasinnaapput.

- Ilisimatusarnikkut pissutsinut ilisimasallit – Socialrådgiver
- Angerlarsimaffeqanngitsut – enumanartumik inissisimasut
- Kofoeds skole – Frelsens Hær– Unnuisarfik (herberg) – Piorsaavik
- Paamiut – Tasiilaq – Ittoqqortoormiit
- Ingerlatsivimmiit – Qinikkat

Siunnersuisooqatigiit suliaqarnerminni ilaatigut siusinaartumik inuusuttunut iliuuseqarnissamut periusissionermi tunngavissanik tikkuussisinnaapput politikikkut aalajangiiffigineqartussanik. Iliuusissamik periusissionermi makku isiginiarneqarsinnaapput, soorunami Siunnersuisooqatigiit namminneq ilisimasatik aalaavigalugit aalajangissavaat.

- Inuusuttunut angerlarsimaffeeruttunut ikorfartuinissamut pilersaarut.
- Inuusuttut enumanartumik inissisimasut alloriaqqinnissaannut suliniut/pilersaarut
- Angerlarsimaffeqanngitsut/ enumanartumik inissisimasut inuttut alloriaqqinnissaannut aqutissiuusinissaq imminut pilersorsinnaalernissamik siunertalik.

Siunnersuisooqatigiit kommunalbestyrelsimut iliuusissanik periusissanillu siunnersuuteqartassapput ilisimasat misilittakkallu tunngavigalugit.

Inunnik isumaginninnermi sanngiinnerusortagut enumanartumik inissisimasut, angerlarsimaffeqanngitsullu pisinnaatitaaffisa illersorneqarnissaat immikkut iliuuseqarfigisariaqarpoq taamatut inissisimasut amerliartuinnassangippata.

Pineqartunik ilisimasaqartunillu oqaloqateqarninni paasisama pingaarnersaraat, taamatut inissisimasut pisortanut saaffiginninnerminni aporfissat akiussallugit nukissaqarfigineq ajoraat, tamannalu pequtaalluni inuttut alloriaqqinnissaminnut periarfissanik pisortatigoortunik ujartuinissaminnut nukissaaleqisarlutik.

Peter Davidsen-ip siunnersuutigaa Siunnersuisooqatigiit pilersinneqarnerat inunnik isumaginninnermut aningaasaliissutit iluini nassaarineqarsinnaasut.

Aaqqiissutissatut siunnersuut – suliaticigut naliliineq

Borgmesterip Allatseqarfiata innersuussutigaa, siunnersuut ataatsimiititamut susassaqartumut ingerlateqqinneqassanersoq Kommunalbestyrelsimi aalajangerneqassasoq.

Aningaasaqarnikkut sulisoqarnikkullu naliliinerit

Aningaasaticigut sulisoqarnikkullu naliliinerit, suliap ataatsimiititamut susassaqartumut ingerlateqqinnissaanut, Kommunalbestyrelsip aalajangiinerani suliament ilaatinneqassapput.

Inatsisiticigut tunngavissaq allakkallu tunngaviusumik uppersaatitalit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutini saqqummiussinnaalluni. Ataatsimiititaliat borgmesterilu paasissutissanik taassuma piimasaanik, kommunalbestyrelsillu aalajangerinissaanut inatsisiticigut aalajangersakkat sukkuunniit malinneqartussaataasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:

Ilaasortaq, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik sularinneqqusilluni allakkaticigut qinnuteqassaaq, suliassaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

Ingerlariaqqinnissaq

Kommunalbestyrelsip aalajangernera Borgmesterip Allatseqarfianit allaffissornikkut sularineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaaticigut

Soqanngilaq.

Ingerlatsivinniit allaniit oqaaseqaaticigut

Ingerlatsivinnit allanit oqaaseqaaticigut soqanngilaq.

Ilanngussat

Soqanngilaq

Punkt 04H: Tuttunik umimmannillu nuutsitsinissamut siunnersuut

Beslutning

Siunnersuut arfineq marluusunit, ukuusunit Siumut, ilalernerqarpoq. Siunnersuut amerlanerussuteqartunit 19-usunit ukuusunit, Inuit Ataqaṭigiinnit aamma Demokraatinit, ilalernerqanngilaq. Siunnersuut itigartinneqarpoq.

Tuttunik umimmannillu nuutsitsinissamut siunnersuut

Kommunalbestyrelsimut ilaasortap Mala Høy-Kúko-p (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmi Kiffartuussineq - kommunaldirektøri Lars Møller-Sørensen /LMS

Suliassamik eqikkaaneq

Kommunalbestyrelsimut ilaasortaq Mala Høy-Kúko (S) martsip 21-ani 2018

Kommunalbestyrelsimut aalajangiiffigisassatut Tasiilap eqqaanut nuutsitsinissamut periarfissanik misissuinissaq pillugu siunnersuuteqarpoq.

Inassuteqaat

Suliffeqarfimmi Kiffartuussinerup Kommunalbestyrelsimut inassuteqaatigaa:

- Mala Høy-Kúko-p siunnersuutaa Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

Suliassamik saqqummiussineq

Kommunalbestyrelsimut ilaasortaq Mala Høy-Kúko (S) martsip 21-ani 2018

Kommunalbestyrelsimut aalajangiiffigisassatut Tasiilap eqqaanut nuutsitsinissamut periarfissanik misissuinissaq pillugu siunnersuuteqarpoq.

Siunnersuuteqarnermut tunngavilersuut:

Qangaanerusoq tuttnik Tasiilap eqqaani nuussisoqarnikuuvoq. Tuttullu nuunneqarnikuusut nunataq uummassutissaqarluarsimammatt ukiut ingerlaneranni amerlalluinnaalernikuusimapput. Tassa Kuummiut-p kangerluani kiisalu Tiniteqilaq-p tassa sermiliup iluani, tuttoqangaatsiartutut piniartunit oqaatigineqartarpoq. Taamanikkut puisip amia piniartup inuuniutaanut pingaarnersaasimavoq akisullunilu, taamaammatt tuttnuuniutigineqarsinnaangimmata pigaartinneqarsimangillat. Ukioraangat sikukkut puisit qassimmatileraangata tuttnuuniutigineqarsinnaangimmata ingerlaartartut ajoqutaasarsimanerat peqqutaallutik piniartunit toqunneqartarsimapput, piniartummi inuussutissarsiuutiaminnik annaasaqaatigisartakkamminnik taarsiivineqarsinnaasanninnerat tuttnuuniutigineqarsinnaangimmata kinguneqartarsimavoq. Qalerallinniarnermimi inerisaaneq taamanikkut ikaarsaarfineqarnikuusimangilaq allanillu inuussutissarsiuutiniq periarfissaqartoqarsimanani. Piniarnermullu nakkutilliisoqanngittuarnera peqqutaataasimavoq eqqunngitsumik tuttnuuniutigineqarsinnaangimmata toqooraasarsimaneq.

Ullutsinni tuttnuuniutigineqarsinnaangimmata Kuummiut Tiniteqilaallu eqqaani nuussisoqartuugaluarpat, tunumi piniartut, inuussutissarsiuutitullu allat eqqarsaatigalugit periarfissinneqarsinnaasagaluarpat inuussutissarsiummik nutaamik periarfissinneqarnissaannik, ullutsinni inuussutissarsiuutigisamik ingerlatamik saniatigut. Nunamiullu allat tikittartut eqqarsaatigalugit siunissami tamakkulerisartut tamakkulerisartutussallu inuussutissarsiuutigiumaagassaannik isumannaarinermik kinguneqassagaluarpoq.

1980-sikkut naalerneranni tuttnuuniutigineqarsinnaangimmata periarfeerunneqarnikuupput. Ilimagineqarsinnaavoq ukiumi sikukkut Sermilik-up qinnguanut nuussimanissaat, tuttnuuniutigineqarsinnaangimmata piffigisartakkamminnut utersinnaasimassannigitsut silaannaap kiatsikkiartornerata kingunerisaanik kangerluk (Sermilik) sikussaarmat.

Ukiut taama amerlatigileraluartut tuttnuuniutigineqarsinnaangimmata qullersaninnaangimmata misissuisoqarsimaneranik ersarissumik paasissutissaqanngilaq.

Uani paasimat apeqquteqaatiginikuusannut tunngavigalugu Siumut-miit kissaatigissuarput massakkut suliassaq tiguneqassappat naammassineqarnissaata tungaanut sulisoqarumaartoq!

Ukioq 2017 septembarimi kommunalbestyrelsimut apeqquteqaateqarsimavunga tuttunnik umimmannillu siunnersuuteqartoqarsimaneranik, suliallu sumut killissimanera paasiniarlugu. Ilanngupparalu akissutigineqarnikuusut kommuniminngaaniit naqinnerit uingasunngorlugit.

Allaffeqarfiup akissuteqaataa

Isumaginninnermut, Sulisoqarnermut Inuussutissarsiornermullu Ataatsimiititap septembarip tallimaanni 2013-imi ataatsimiinnermini imaattumik aalajangiivoq:

- *Ataatsimiititamit kissaatigineqarpoq Tasiilap eqqaani tuttunik umimmannillu nuussisinnaaneq illersorneqarsinnaanersoq nalilersorneqassasoq.*
- *Kommunalbestyrelse qinnuigineqassasoq Namminersorlutik Oqartussat suliap isummersorfigineqarneranut ilanngullugu sumiiffimmi piniarnermut nakkutilliusumik atorfitsitsinissaq ilanngullugu eqqarsaatigineqassasoq.*
- *Ataatsimiititap eqqarsarnartoqartippaa Pinngortitaleriffimmit Inuussutissarsiornermut Ataatsimiititamit qinnuteqaatigineqartut naasoqassutsimik misissuinissat ingerlakkumasimannimmagit paarlattuanillu siunnersuutigisimallugu kommunip naasorsiuunut namminersortunut suliakkiutigissagaa.*
- *Aammattaaq Ataatsimiititamit maluginiarneqarpoq Kommunalbestyrelsip Namminersorlutik Oqartussanut saaffiginninnermi ilanngullugu qinnutigineqassasoq suliniutigineqartup arlaatigut ataatsimoorussamik aningaasaliiffigineqarsinnaanera nalilersoqqullugu.*
- *Kingullertut ataatsimiititamit maluginiarneqarpoq suliap ingerlateqqinneqarnerani Aningaasaateqarfinit aningaasaliiffigineqarsinnaanermut periarfissat tamaasa misissorneqassasut aammalu suleqatigineqarsinnaasut kikkut ilanngunneqassanersut qulaajaavigineqassasoq.*

Ataatsimiinnernit kingullernit takussutissartaqanngilaq, imaappoq, septembari 2013-imi ataatsimiititap aalajangiinerata kingornagut susoqarsimannngilaq.

Aaqqiissutissatut siunnersuut – suliatigut naliliineq

Borgmesterip Allatseqarfiata innersuussutigaa, siunnersuut ataatsimiititamut susassaqartumut ingerlateqqinneqassanersoq Kommunalbestyrelsimi aalajangerneqassasoq.

Aningaasaqarnikkut sulisoqarnikkullu naliliinerit

Aningaasatigut sulisoqarnikkullu naliliinerit, suliap ataatsimiititamut susassaqartumut ingerlateqqinnissaanut, Kommunalbestyrelsip aalajangiinerani suliament ilaatinneqassapput.

Inatsisitigut tunngavissaq allakkallu tunngaviusumik uppersaatitalit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piimasaanik, kommunalbestyrelsillu aalajangerinissaanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:

Ilaasortaq, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik sularinneqqusilluni allakkatigut qinnuteqassaaq, suliassaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

Ingerlariaqqinnissaq

Kommunalbestyrelsip aalajangernera Borgmesterip Allatseqarfianit allaffissornikkut sularineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqartitsisoqanngilaq.

Ilangussat

Soqanngilaq

Punkt 04I: Tasiilami internetsikkut attaveqaatit pitsanngortinneqartinnissaanut siunnersuut

Beslutning

Siunnersuut arfineq marluusunit, ukuusunit Siumut, ilalernerqarpoq. Siunnersuut amerlanerussuteqartunit 19-usunit ukuusunit, Inuit Ataqatigiinnit aamma Demokraatinit, ilalernerqanngilaq. Siunnersuut itigartinneqarpoq.

Tasiilami internetsikkut attaveqaatit pitsangortinneqartinnissaanut siunnersuut

Kommunalbestyrelsimut ilaasortap Mala Høy-Kúko-p (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmi Kiffartuussineq - kommunaldirektøri Lars Møller-Sørensen /LMS

Suliassamik eqikkaaneq

Kommunalbestyrelsimut ilaasortaq Mala Høy-Kúko (S) martsip 21-ani 2018

Kommunalbestyrelsimut aalajangiiffigisassatut Tasiilami internetsikkut attaveqaatit pitsangorsarneqarnissaanut siunnersuuteqarpoq.

Inassuteqaat

Suliffeqarfimmi Kiffartuussinerup Kommunalbestyrelsimut inassuteqaatigaa:

- Mala Høy-Kúko-p siunnersuutaa Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

Suliassamik saqqummiussineq

Kommunalbestyrelsimut ilaasortaq Mala Høy-Kúko (S) martsip 21-ani 2018

Kommunalbestyrelsimut aalajangiiffigisassatut Tasiilami internetsikkut attaveqaatit pitsangorsarneqarnissaanut siunnersuuteqarpoq.

Siunnersuuteqarnermut tunngavilersuut:

Tasiilami eqqaanilu qarasaariakkut attaveqaateqarniarneq ilungersunartorujussuulernikuuvoq ukiuni kingullerni. Suliassat assigiinngitsut pingaarutillit pisariaqanngikkaluamik

kinguarsarneqartuarput qarasaasiakkut attaveqaatitit arriippallaarujussuarnerat pissutaalluni.

Tamanna aaqqiiffiginarlugu Siumut-miit kissaatigissuarput qarasaasianut attaveqaatinut atortuutit nukittorsarneqarnissaat sulisutigineqartariaqartoq.

Kommuni allaffiani sulisut ukiuni kingullerni suliat assigiinngitsut misilittagaqarfignikuuvaat ilungersunarsinnaasut. Inunnut tunngasut assigiinngitsut pingaarutillit

kinguarsarneqartuuartarsimaqaat, suliat nassiunniakkat imaluunniit atortuutissat immersuinerumut tunngasut qarasaasiakkut aaniarneranni aqutit arriittarnerujussuat kinguarsaanermik

pissuutaaqattaasarsimaqaaq. Sulisummi ilaat oqaluttuarpoq suliani pingaarutilik attavilunneq peqqutaalluni 2 tiimi utaqqisariaqarsimalluni attaveqaatit ajorneri pissutaallutik. Taamaattummi

misigisut Tasiilap iluani eqqaamiuili eqqarsaatigalugit qassioqaat, attaveqaatinik ajornartorsiortut. Uffa aaqqiiffigineqaraluarpata ajornartorsiut annikinnermik kinguneqarsinnaalluarualuortoq.

Qarasaasiakkut sullissinermi arriitsumik misigiuallerneq peqquteqarpoq ullutsinni innuttaasut Kommunip iluani qarasaasiamik annertuumik atuilernerannik, taamaammatt atuisut

amerlitsikkiartornerata nassataanik Tasiilami Centrali attaveqaatinut mikivallaalersimavoq.

Taamaammatt Siumumiit kissaatigissuarput ajornartorsiut aaqqiiffigeqqullugu Kommunalbestyrelse Tasiilami ajornartorsiut qaangerniarlugu iliuseqassasoq, illoqarfik ineriartortoq qarasaasiakkut

malinnaasinnaanissaa ullutsinni pinngitsoorneqarsinnaanngimmat.

Aaqqiissutissatut siunnersuut – suliatigut naliliineq

Borgmesterip Allatseqarfiata innersuussutigaa, siunnersuut ataatsimiititamut susassaartumut ingerlateqqinneqassanersoq Kommunalbestyrelsimi aalajangerneqassasoq.

Aningaasaqarnikkut sulisoqarnikkullu naliliinerit

Aningaasatigut sulisoqarnikkullu naliliinerit, suliap ataatsimiititamut susassaartumut

ingerlateqqinnissaanut, Kommunalbestyrelsip aalajangiinerani suliamut ilaatinneqassapput.

Inatsisitigut tunngavissaq allakkallu tunngaviusumik uppersaatitallit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:

Ilaasortaq, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik sularinneqqusilluni allakkatigut qinnuteqassaaq, suliassaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

Ingerlariaqqinnissaq

Kommunalbestyrelsip aalajangerera Borgmesterip Allatseqarfianit allaffissornikkut sularineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqartitsisoqanngilaq.

Ilanngussat

Soqanngilaq

Punkt 04J: Sermiligaap malinnut illersuusiorfigineqarnissaanut siunnersuut

Beslutning

Siunnersuut Kommunalbestyrelsimit ilalernerqarpoq aammalu Sanarfinermut Avatangiisinullu Ataatsimiititamut ingerlateqqinneqarluni imannak oqaasertalerlugu:

- Siunnersuutip suliarineqarnerani Nunaqarfinni Aqutsisunut tusarniutigineqassasoq.

Sermiligaap malinnut illersuusiorfigineqarnissaanut siunnersuut

Kommunalbestyrelsimut ilaasortap Mala Høy- Kúko-p (S) Kommunalbestyrelsimut siunnersuutaa

Aalajangiiffigisassaq

J.nr.: 01.01.07

Suliffeqarfimmi Kiffartuussineq - kommunaldirektøri Lars Møller-Sørensen /LMS

Suliassamik eqikkaaneq

Kommunalbestyrelsimut ilaasortaq Mala Høy-Kúko (S) marts-ip 21-anni 2018

Kommunalbestyrelsimut aalajangiiffigisassatut Semiligaap malinnut illersuusiorfigineqarnissaanut siunnersuuteqarpoq.

Inassuteqaat

Suliffeqarfimmi Kiffartuussinerup Kommunalbestyrelsimut inassuteqaatigaa:

- Mala Høy-Kúko-p siunnersuutaa Kommunalbestyrelsimi oqaluuserineqassasoq taamatullu suliap ingerlaqqinnissaa aalajangiiffigineqassasoq

Suliassamik saqqummiussineq

Kommunalbestyrelsimut ilaasortaq Mala Høy-Kúko (S) marts-ip 21-anni 2018

Kommunalbestyrelsimut aalajangiiffigisassatut Semiligaap malinnut illersuusiorfigineqarnissaanut siunnersuuteqarpoq.

Siunnersuuteqarnermut tunngavilersuut:

Sermiligaap Tasiilap nunaqarfittaani aalisarnikkut 1990-nikkut ingerlaneranni misileraasoreernerup kingunerisaanik ineriartulernikuuvoq. Misileraasorenginnerup siuliani puisip amia piniartutut isumalluutit annersarisimavaat.

Aalisartoqarnerup ineriartornera arriitsumik ingerlanneqarnikuuvoq, aammami piniartuunerup silarsuaaninngaaniit aalisarnermut ikaarsaariarneq oqittuinnaasimangilaq. Aporfissammi aaqusaakkat amerlasimaqaat. Taamanikkut Kommuni aamma sullissinera aporfinni nipileroqataasimavoq assigiinngitsutigut.

Sermiligaap kangerlua misileraareernikup kingorna paasineqarmat qaleraleqarluartoq kommuni aalajangerpoq angallatinik pisaartoqassasoq. Inuillu ningittakkerinnermut aalisariutinik pisaarnikuusut qulit ataallugit amerlatigisut ulloq manna tikillugu ataasiinnarluunniit ningittagassorluni aalisangilaq ajutoornerit assigiinngitsut peqqutaallutik.

Ukiuni kingullerni silaannaap allangoriartornerata kingunerisaanik Sermiligaarmiut ilungersunartunik nalaattaqartarput, ilaanneeriarlutik unnuaannarmi ulappunnersuaqartarpoq umiatsiaminnut annaassiniarniarlutik. Ukiut tamaasa nalaattualernikuuvaat nunaqqatigiit immap maliinut ilungersunartorsiungaatsiartinneqarlutik. Angallatimmi ilai unnuaannarmi ukiap ingerlanerani arlaleriarlutik kangerluup iluanut qimaasariaqartarsimapput. Angallatit mikinerit nunamut innuttaasut assaannaat atorlugit imminnut ikoqatigiillutik qallortariaqartarpat, ilaannikkut qatserisartut unnuami ikiuuttariaqartarsimapput. Aamma ataasialinngillat angallamminni anginerumaanik kisaqqasunik pituutamikkut ajutoorlutik saavittoorutigisaminnik, tassa immap tassanngaannartumik aalarujussualernerata kingunerisaanik. Angallat ataaseq ningittagarsuut Q 35-veq nunamut motoriminik ajutooqqalluni qaqqeqqasoq, unnuamiaasiit aalarujussualernerata kingunerisaani saavigussaalluni kivisoorutigineqarpoq, taamatut pisoqartarneranera assut ajuusaarnarpoq. Sermiligaami qalerallinnut tunitsivissatut kommuniminngaaniit aalangiunneqarnikuusoq inissisimannermigut navianartorsiortinneqartarpoq. Tunup imartaa tassanngaannartumik sakkortuumik silarluleraangat imarlu aalarujussualeraangat tunitsivissatut inissisimasoq immap angoqattaalersarpaa innuttaasuninngaaniillu iliuuseqarfigineqarsinnaajunnaarluni. Allaammi imaq aalarujussualeraangat niuertarfik (pisiniarfik) angusalersarpaa. Illullu aamma sissamut qaninnerit aamma anguneqaqattaalersarput immamit.

Siunissaq eqqarsaatigalugu nunaqarfik innuttaasuniit toqqissisimanartumik ineriartussappat iliuuseqarnissaq avaqqunneqarsinnaanngilluinnartutut Siumumiit oqaatigissuarput. Eqqartukkanni innuttaasut navianartorsiortinneqartarnerat ataasialinngilaq, qujanavissumilu innuttaasunik ajutoortoqarnikuunngilaq (uffa ajutoortoqangajaavittaraluartoq) ikioqatigiilluartarnerup kingunerisaanik.

Nunaqarfik malinnut tassanngaannaq tikinneqartarnera illersuuusernissaanut nunaqarfiup avataatungaaticut iliuuseqarfigineqarnissat Siumumiit kommunalbestyrelsi misissuisoqarnissaanik peqqussavarput. Malinnummi illersorneqarnissaanut avataatungaaticut periarfiissaqarpoq, tassa Sermiligaaq-p avataatungaaniittoq qeqertaq nuuaninngaaniit kitaatungaanut sammisumik takingaatsiartumik ikkattumik imartaqarmat.

Siunnersuut akuerineqassappat tamatta nunaqarfiup siunissaa pitsaasumik ineriartornissaanut innuttaasullu toqqissisimanissaanik isumannaarisinnaanissatsinnut ilusilersueqataassaagut.

Aaqqiissutissatut siunnersuut – suliatigut naliliineq

Borgmesterip Allatseqarfiata innersuussutigaa, siunnersuut ataatsimiititamut susassaartumut ingerlateqqinneqassanersoq Kommunalbestyrelsimi aalajangerneqassasoq.

Aningaasaqarnikkut sulisoqarnikkullu naliliinerit

Aningaasaticut sulisoqarnikkullu naliliinerit, suliap ataatsimiititamut susassaartumut ingerlateqqinnissaanut, Kommunalbestyrelsip aalajangiinerani suliamut ilaatinneqassapput.

Inatsisitigut tunngavissaq allakkallu tunngaviusumik uppermarsaatitalit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinin saqqummiussisinnaalluni. Ataatsimiititaliat borgmesterilu paasissutissanik taassuma piimasaanik, kommunalbestyrelsillu aalajangernissaanut inatsisitigut aalajangersakkat sukkulluunniit malinneqartussaaticutaasut pillugit kommunalbestyrelsimut nalunaaruteqassapput.

Kommunalbestyrelsip suleriaasissaatut aalajangersagaq §3:

Ilaasortaq, kingusinnerpaamik ataatsimiiffissaq sioqqullugu ullut 14-it qaangiutsinnagit suliassamik suliarinneqqusilluni allakkaticut qinnuteqassaaq, suliassaq taanna borgmesterip ileqquusumik ataatsimiinnissap tullianut oqaluuserisassanut ilanngutissavaa.

Ingerlariaqqinnissaq

Kommunalbestyrelsip aalajangernera Borgmesterip Allatseqarfianit allaffissornikkut suliarineqassaaq.

Aningaasaqarnermut Allatseqarfimmit oqaaseqaaticut

Aningaasaqarnermut Allatseqarfimmit oqaaseqaaticut pissarsiniartoqanngilaq.

Innuttaasunik peqataaticineq/attaveqaaticugineq

Soqanngilaq.

Ingerlatsivinniit allaniit oqaaseqaaticugineqartut

Ingerlatsivinnit allaniit oqaaseqaaticugineqartut soqanngilaq.

Ilanngussat

Soqanngilaq

Punkt 5: Taasariaqartut allat

Beslutning

Rolf Pike (S):

Biskorpi Sofiannguaq Petersen, Ittoqqortoormiuniikkami qaammat Marts aamma April-i, taakaniinnermini ilagiinnut ataatsimiitsitinermini oqaaseq qaqissimasaa Ittoqqortoormiit inuerussarneqassasoq, taamatullu oqarsimalluni 2028-imi Ittoqqortoormiit matuneqassasoq, taamatullu oqarsimalluni nammineq naalakkersuisuni oqaloqateqartarnermini tamanna paasisimagaa. Tamanna Biskopi Sofiannguaq Petersen oqaatsini uterteqqittariaqaraa innuttaasunullu utoqqatsertariaqartoq Kommunalbestyrelsimiit ilaasortatut kissaatigaara. Oqaaserisimasanilu tunngavilersortariaqaraa. Tamanna Innuttaasunik assut ernumalersitsillunilu toqqissisimanangitsumik tiguneqarami.

Punkt 6: Suliat matoqqasut

Punkt 06A: Lukket

Punkt 06B: Lukket

Punkt 7: Imaqarniliap akuerineqarnera

Beslutning

Imaqarniliaq akuerineqarpoq nal. 17.17.